

光緒永嘉縣志

永嘉縣志卷之四

建置志二

公署

永嘉爲倚郭首邑而縣治屢遷殆未易更僕數江南江北各有治所宋三徙元再徙而始定因革廢興民亦勞止顧監司幕府而下廨舍林立官非爲一邑設也舊志纖悉及之不嫌於侵越乎今但云某署在某地其規制遷移不備書以別於府志至舊廨則仍附見於後庶幾數典不忘之義云爾

分巡溫處道署

在府治西

温州府治

在城西
南隅

清軍海防總捕同知署

在府治東

糧捕水利通判署

在府治西

經歷署

在通判署前

永嘉縣治在府治東南隅道愛坊

乾隆志

治舊在甌江北晉

置永嘉郡徙治江南華蓋山西

在州治東一百餘步

隋廢郡為縣

仍舊治唐初析置永嘉縣分治江南北貞觀初復合為

一仍治江南上元二年置温州始立永嘉縣治

嘉靖志

宋

舊志作宋
泰定間誤

縣令趙汝掄徙治於永廳嘉定間令陳倬

再徙於郡之行衙即舊皇華館續又修舊郡治居焉元

至元間以縣治爲織染局二十七年復以舊皇華館初
縣治二十九年改爲廉訪分司縣徙於舊酒務元貞元
年縣尹孫允汶復爲縣治七年尹王安貞重新之延祐
間尹王玉重建明洪武元年仍舊爲今治成化十八年
知縣劉遜重修縣正堂扁曰忠愛後堂扁曰思補左爲
典史幕耳房庫堂後爲知縣縣丞主簿
廨東西吏六房承發房架庫正堂之南爲甬道立戒石
亭前爲儀門儀門之外左爲土地祠右爲就正館門屏
之側爲獄禁近東爲大門左右立申明旌善二亭街東西親民養士二坊萬厓間知縣郝敬
改忠愛堂名爲樂只堂改平政親民坊字爲節用愛人

萬厓
府志

國朝康熙十八年知縣鄭廷俊移建大門中爲樂只堂後

爲川堂爲後堂西有五福祠爲內宅樂只堂東爲贊政
廳爲丞宅爲典史宅右爲耳房庫爲架閣庫正堂之前
爲甬道爲戒石亭爲東西廊爲儀門爲土地祠爲迎賓
館爲申明亭旌善亭爲大門外有仁育義正二坊

浙江通志

康熙十六年知縣鄭廷俊仍爲平政親民四字乾隆十一年知縣邱肇熊重修

大堂改大門稍東二十一年知縣崔錫復移門正中改

戒石亭爲坊并新兩廊書吏房二十八年知縣施廷燦

新作宅門而贊政廳則巡檢馬逸典史李馨捐俸葺焉

乾隆志

同治十三年知縣陳益重修光緒五年知縣張寶

琳改建東西兩花廳

東爲是亦漆園西爲西園

又以內宅卑隘新建

華蓋樓規模宏敞頓改舊觀新署中舊有大桂樹扶蘇

蔭蓋與古柏古桑俱數百年物乾隆志管子云十年樹木

百年樹人人之魁壘絕特非常可喜者或數千百里而

一遇或數十百年而一見蓋天之生材如是其難也惟

物亦然嘗見于尋名材百圍大木類多生於深巖窮谷

荒遠幽僻而其耳目之前為人愛玩者未必久存而不

壞即所從來者久未必能碩大蕃滋出尋常耳目之外

豈非生之難而成亦不易乎永嘉縣署廳事東偏有桂

一樹夭矯離奇蔭蓋榮茂近數百年物予足跡半天下

見桂多矣未有若此怪偉者攷之志乘皆不載故老亦

無能言其緣起者予甚惜之嘗咸蘇文忠之言曰士大

夫捐親戚棄墳墓以從宦於四方者用力之餘亦欲取

樂此人之至情也故古名賢所至亦或增飾臺榭遊觀

之盛後為美談傳於後世而予自承乏茲土地連山海

案牘紛如惟念我國家澄清吏治吏皆奉法惟謹其

於臺榭遊觀不惟力不及勢亦不暇每於政治之隙遊

息樹下清風自生翠烟自留婆娑安一院之陰披拂三秋

之爽幾欲如陶令北窗欣然忘食殆造物者鍾美於是

俾爲吏者得以息塵勞而清智慮也忍使其淹沒無傳
乎樹下故有祠以歆其神既稍葺治惜其爲傳舍中物
而不能久與居也遂命工圖形爲之記俾來者有考焉

縣丞署在縣署東雍正十三年移駐楓林轄十都兩社乾

隆四年縣丞何森建造衙署頭門大堂住宅

乾隆志

今仍

移舊署道光二十六年爲颶風圯壞三十年縣丞陳毓

俊支廉銀二百兩重修同治十年縣丞張卓人增修

新纂

西溪司巡檢署在西溪乾隆元年巡檢祝尙智始造大堂

內室大門各三間餘房共四間

乾隆志

道光三十年巡檢

金居敬請支廉銀二百兩改建縣城東偏國史館巷

湯志

典史署在縣署儀門東道光三十年典史繆榮鉞支廉銀

二百兩修葺湯志

校士館在城西南隅鴈池

府學教授署在府學巷

教諭訓導署詳學校

鎮守總兵署在墨池坊

鎮標中軍中營遊擊署在八字橋 守備署在簡訟坊

左營遊擊署在竹馬坊 守備署在屯前

右營遊擊署在府城隍廟西 守備署在大士門

城守營都司署在譙樓北 守備署在蛟翔巷

温州衛掌印守備署在西北梯華里

教場在迎恩門外廣化廂舊在府治西明嘉靖間知府洪

垣遷鎮海門外 國朝雍正間潮嚙地坍改遷今所小

教場在城內東山下城守營教場在都司署東守備教

場在蛟翔巷

乾隆志

永嘉場鹽大使署

在二都老城

稅關

海關在府東鎮海門外江岸稽察海船出入卽甌江內口

也

府志又旁口四在永嘉者二日鹽村口日狀元橋口

甌海新關在望江門外光緒戊寅以温州爲通商口岸巡

道方鼎銳新設稽察輪船出入之貨

新纂

監獄

監獄在儀門西監門三間南北各五間女監三間提牢禁卒房各三間圍墻凡長七十三丈八尺高一丈三尺厚五尺道光二十九年署知縣張銑添建後監三間火房

二間

湯志

翼房在儀門東道光二十九年署知縣張銑建時因洋匪及各縣發審人犯監不能容建此以禁未定之犯湯志

自新所在縣前乾隆三十年知縣施廷燦創建乾隆志同治

九年典史戴鳴泰新建在捕署大堂西偏新纂

舊廨

附行宮宋貢院俱詳古蹟不錄

宋推官廳今温州府治是也萬厯府志

都察院在府治西明嘉靖二十六年建係舊教場址今改

爲分巡道署乾隆府志

察院在城隍廟西明萬厯二十四年改校士館今爲育嬰

堂乾隆府志

分守道在舊分巡道西今圯乾隆府志

鹽運分司在舊衛治東 國初係總督衙門乾隆間改爲

營倉乾隆府志今爲小教場

西司在譙樓東乾隆府志

稅課司在竹馬坊街東乾隆府志

府司獄司在府治前東甌名鎮坊右

陰陽學醫學俱在府治前

康熙志

僧綱司在開元寺

康熙志乾隆府志在普覺寺

道紀司在真華觀

康熙志

軍器局在城西南松臺山下

乾隆府志

織染局在德政坊

乾隆府志

柟溪稅課司在三十四都

乾隆志

中界巡檢司在二都永昌堡

乾隆志

批驗所在拱辰門外

乾隆志

河泊所在縣東

乾隆志

鄉約所在四隅廂

康熙九年欽頒上諭十六條舉約正耆老十六名阮懋敬沈志啓楊

伯星陳貞道戴國標葉承緝林承熙朱文王趙饒佐顧

有德姜嘉定王鍾祚黃元偉葉士雅諸葛傳鄭懋瑛等

給以烏角頂朔望詣所宣揚上諭康熙二十一年

奉旨更給錫鑑頂帶宣講以敷教化以敦風俗

官廳在大南門外順治十五年寇燬

乾隆志

同治十三年知

縣顧德恒改建於望江門外新纂

壇廟附叢祠

夫能治民然後能事神祀典攸關上以答神庥下以福民命敢或褻哉永嘉首邑壇廟附府謹依例編次於前其或遺愛不忘或盛德必祀爲吾民所瞻仰興起者各以類從若夫楚人鬼而越人禩甌爲越裔里俗叢祠不可究詰姑憇存之遺俗也亦民情也知禮之君子釐而正之是所望於踵文汪二公而起者

先農壇 在永寧門外雍正五年知縣羅秉禮奉文建立中奉先農神農氏厲山氏后稷氏之位壇有宇兩翼有廡門外繚以周垣壇前置藉田肆畝玖分 大清會典

直省府州縣均歲以仲春吉亥各於所治東郊建先農

壇朝服行禮禮成更采衣率屬行耕耨禮每歲收穫以

供祭祀之粢盛

案浙江通志云先農壇最爲鉅典應列諸祠之前而社稷山川諸壇次之凡附

郭之縣統附於府云舊志新纂

雩祭 乾隆七年禮部議準直省府州縣孟夏擇日行常

雩禮或有亢旱淫潦皆祈禱不另設壇每州縣酌用祭

銀五兩庫給

湯志

社稷壇 在迎恩門外歲以春秋二仲上戊日致祭自宋

以前邑雖倚郭亦自立壇見葉適永嘉縣社稷記明則

倚郭之邑惟先師及城隍神別有廟餘不別置今壇宇

久圯祭日在天后宫行禮

宋葉適永嘉縣社稷記晉析

永嘉在隋唐間其社稷步積之三千二百八十六中容入壇圖籍轉相授所從來遠矣宿熙後步失者二千有餘壇陞淪沒卽於佛祠令不能正也嗟夫豈其邑小其民寡不足與正耶將其事緩其效迂正不正皆無益損而致然也山陰胡衍領縣二日駭悵愧惕若疚負在己按舊圖就南補北還得故步垣千尺磚之用政和儀崇五壇壇石皆青表之門道敵之房宇嘉定十一年秋告新社成禮然則果於行義可以爲勇復於已失可以爲難先有司之所後可以爲敬參而具者賢也君辭避不肯當獨推言之曰古民人社稷常並稱有其實也後民人社稷雖並稱名而已矣實則教之耕稼而養沛霖潤槁皆神力也名則視其耕稼而取餼旱忽水非神禍哉州之取總其凡猶竊民譽縣之取煩其目惟聚民怨縣社之名僅存者幸也古之立圖左祖右社嚴事如一朝市均等無相離也後世或遠或近率意而爲爾自晉唐置社僻在大城盡處今蕃庶尙草萊雜昔稀曠人跡絕矣野廬老圃曷以寄葵韭華棖巨棟曷託簷蔭與永嘉之社名幾不存可畏也夫治術同異吏宜攷詳地勢偏

隔人且自恕令姑罪之免奚彼敢議哉衆又謂君思深之至此也幾於仁君役民甚簡不妄勞費責輸以時不苟貸假然則審其取者養民之始正其名者致實之漸也故并記之九月

神祇壇 在永寧門外舊制與社稷壇同中爲風雲雷雨

之神左爲境內山川之神右爲城隍之神歲二祭俱於

社稷壇之次日今統祭於府壇在先農廟行禮

舊志新纂

厲壇 在來福門外西山歲三祭春清明日秋七月望日

冬十月朔日奉城隍神主之乾隆二十九年知縣施廷

燦督吏典於壇側修葺廳事三間今圯屆期統祭於郡

厲壇在包公廟行禮

舊志新纂

府城隍廟 在分巡道署西歲以五月望日致祭

康熙志

縣城隍廟 在縣治東開元寺左舊在城南久圯附祀於

府明萬厯甲戌知縣劉三宅改縣東倉故址為廟

康熙志

明侯一元縣城隍廟碑夫為治者孰不欲民有所歆而為善有所憚而不為惡哉蓋亦聽諸人而足矣然記稱殷人尊神先鬼何也則以因俗也以救敝也蓋凡縣之附府者其城隍亦附府然余考之永嘉縣志則別有城隍在城南廂而廢焉於是萬厯甲戌父老請於前令治軒劉公改卜近地得東南十總東倉空基地東距河南距玉帶河西距宣靈廟北距開元寺乃請之府方作治之而公以治行第一擢去又九年癸未而五和馬公以別駕行令事得民之和民黃承鳳周昇等又請之已而今令景湖陳公至以德行仁曾未朞月百廢具舉民則大悅乃相與捐貲因民之欲邦人大小亦莫不勸爰命二尹李侯董其事而廟模乃翼然矣遂命道士趙鳴玉住持焉使來請記余惟前史稱東甌王敬鬼其壽亦最高豈民之歆之歟然楚人鬼而越人禩自孫叔敖時已稱之矣吾觀雄勇熊羆之士視白刃不少怯至語之神佛則矍然下拜其不敢肆也若有臨之者也官府徵輸

唯正之供不能顧至其率錢事神汲汲唯恐在後也若有驅之者也舉贏時詘諾有不踐至其與神約也會不敢越宿若有詰之者也法制禁令有時而犯而斷葷酒戒淫殺以期不入阿耨以要來生若有所目擊之者也然則因民之俗利而導之俾前有所歆後有所懼其以爲賞慶刑威之助也盜淺鮮故因之以微較而隨之以先簿者聖人正俗之微權也因之以從俗而隨之以正治者良醫也起痼之仁術也三令公於是乎知政矣敢不盥手以書時萬厯甲申暮春既望

文昌廟 在縣學西每歲春秋仲月及二月初三日致祭

前殿奉

文昌帝君神位

嘉慶六年五月奉 上諭 文昌帝君主

著海內崇奉與 關聖大帝相同宜列入祀典用光文治著交禮部太常寺將每歲春秋致祭之典及一切儀

文倣照

關帝廟定制詳查妥議具奏遵

後殿奉

旨奏準一切儀注祭品均與

關帝相同

文昌帝君先代神位
嘉慶六年太常寺奏準
文昌帝君先

代神位字樣
案文昌廟一在府學一在譙樓一在巽

吉山一在天香閣一在王木亭一在廣化廂一在飛霞

觀西一在東山書院一在中山書院一在華蓋山一在

翠微山各鄉皆有書不勝書今春秋致祭在縣學西道

光二十九年邑人鄧承弼等重修明東陽許宏綱文

昌祠義田碑記夫東隅斗山鍾瑞白鹿兆奇人文輩出

夙稱鄒魯雖云地靈使然要之造化握其機權而一代

名公鉅卿相與羽翼幹旋以綿延祀典於不墜者其功

亦不可誣也余嘗聞華山之巔林木蒼鬱有祠焉以祀

文昌有田焉以供肥腴載諸石者不翅詳矣茲不具論

第先時所給塗沙二百有奇其間成田者十僅得一焉

尚不足以充俎豆歷九載工力而今始漲計堪藝草者

約七十餘畝有冒太衡先生請佃於有司而中分其半

先生聞之曰此田業已供文昌獨奈何以我之故俾神

晦與分佃相聯屬者盡遺諸文昌無難色焉府博士郭

君廷梅張君其綱廩生方經世葉九思陳忠誠劉應運

周丕顯等咸辭謝不敢受先生曰王父文忠公恭輔肅

壇廟

皇相業燭寓內苟足以供祀事翊斯文吾何愛焉於是始拜而受之雖然先生非邀福於神其所從來遠矣先生王父文忠公恭輔肅皇相業燭焉寓內而清白之操若揭日月追尊人抗節權倖左遷尹判不靳俸金餼贖鹽卒城旦之罪所全活者甚眾至於先生宅心醇粹涉世委蛇孝友之德洽於庭闈周恤之思孚於宗黨鄉評所推重焉先參中府軍事裁革行李夫役而京衛諸軍之用以蘇續轉罔寺蠲一切常例而純白之守矚然不滓再晉京兆振刷案牘積營驛遞濫冒當滯王之國輜重悉賴幹濟而民免供億之勞在在尸祝今茲好義樂施蓋其家法然也是舉也不惟文昌享獻之具於是乎備而其他賓興迎送之禮課士周急之用亦於是乎給無曠儀無缺典將見文昌靈鑒必然而相之俾文運日隆科第雲興無忝疇昔鄒魯當與文昌並垂於不朽矣茲因舍親博士郭君隄徵文於不佞因得聞先生之高誼故爲之志其略以風末世雖滄海桑田相與互變猶可考也先生諱汝紀字仲理太衡其別號云萬厯癸卯仲冬月吉旦教諭郭廷梅訓導張其綱張良心同通學門生方經世葉九思等立石明知縣陸問禮文昌閣碑記邑文昌祠舊在庠左華蓋山巔歲時饗祀里道

險巖且父老傳堪輿家言謂上銳下露與法不合建之
麓宜於是邑之薦紳士庶三言巖五言麓莫適攸從余
初受命來令是邑訪庠右文昌會館蓋前尹恪箴蔣公
特勅集諸生講藝其中公去而弛業日復頽圯余方矢
志鼓吹暫爲修葺會二三弟子月有課歲有試不憚展
其平生斧藻剖晰緒論俾微言不終泯泯耳時博士浮
碧沈君光岳以孝廉奉職余乘課士日相與縱步館後
觀一阜區漣沒榛蕪莫跡其地問諸生何自請生對前
尹林公南峰祀所歲遠圯廢移就東山側李公貞菴合
祀區其故址也余乃諦觀曰夫都邑院閣等爾量人營
國形方氏詔甸必風雨合而陰陽交吉迺大叶稱其光
宅何獨茲地焉南望文峰赤標以符東望瑞巒蒼精撫
碧西望紫芝吾金行也兌宮綿聳文筆拱秀北望華山
羣嵐重繞若席之枕然余將閣焉以祀文昌方域受圉
辰度迎紀煌煌乎泰曦哉矧館業已額文昌胡虛其祠
必巖之仍沈君曰唯唯惟大夫命敢協圖之遂謀舉事
而難其費捐俸斥贖緩爲諸薦紳倡光祿署丞光美王
君忻然以貲應卜日鳩工聚材築基磐礎高若干廣若
千址列若干楹飛甍隆棟入窗玲瓏周垣洞達文昌帝
奉於其上金碧焜煌聖鉛輝映巍煥均空中之閣躡梯

而升橫襟憑眺負長江之沃若奠名山之崔巋九斗星
羅如帶如屏相錯如繡榜曰文昌閣前甃石爲階坦夷
嚴闕由階登之爲堂堂欽隘不稱因以其美增修繕治
反兩廊之東西若几座糗饌一切諸生操觚需罔不畢
備諸廢具舉與閣偕新余自綰符而至於斯徘徊宮牆
穆然深念乃今閱四載而獲有茲役也卽不任薪樵功
於此邦爲烈深惟亦自鬯於厥衷已按文昌六星炳耀
紫微斯文真宰士誠操華揚藻引濛汜而中天是諸生
所自文也東嘉自宋元豐慶元諸君子彬彬稱隆入明
而文簡文忠兩先生庶幾名世乃求齊轡於輓近丹腹
莫續堂構不光誰之過與夫江山之氣不盡於宣洩則
將有所儲以鍾其靈淑嘉士顧瞻巨麗紹前修而光大
之龍變雲蒸爛焉奎斗在此時也有待而興應期而合
豈偶然哉沈君指石而請曰大夫建閣造士其暮遠其
志適其究且大賜於嘉後之人無斁宜有銘以託不朽
余謝不敢聞姑記之俟游斯地者覽焉役經始於萬厯
戊申孟冬厯已酉仲秋而工竣於時司訓毛君信
饒君與禎率士庶以襄厥成得並書舊志新纂

關帝廟

在平定倉後

通志

明萬厯十一年通判馬魯卿建

國朝康熙二十年燬後重建道光二十一年又燬二十八年巡道慶廉總兵葉紹春捐俸倡率署知縣張銑督郡人鄧承弼等重建舊廟門殿皆北嚮今改南嚮每歲春秋仲月及五月十三日致祭祠以太牢前殿設

忠義靈佑仁勇威顯關聖大帝神位

舊稱忠義神武靈佑關聖大帝嘉慶

十九年奉

旨加封仁勇道光八年加封威顯定封號為忠義靈佑仁勇威顯關聖大帝

雍正五年

勅封三代公爵後殿設

光昭公

裕昌公

成忠公位

案關帝廟一在迎恩門內一在薰樓東一在海壇山東一在瓦市殿巷溫處道慶廉重

建碑記蓋聞聲靈赫濯仰肅穆於神威色相莊嚴壯觀
瞻於廟貌血食隆以千載馨香薦俎豆之儀靈爽鎮於
萬方感應召休和之福夫以關聖帝君允文允武
功蓋古今惟孝惟忠氣充天地合累代而崇封疊晉至
我朝而顯應丕彰護國佑民尊並至聖凡在
偏隅僻壤咸識春秋報之文而况通邑大都敢忘崇
德報功之典既郡倉橋關聖廟有司春秋致祭歷久
相沿道光壬寅冬祝融爲災鬱攸告警六丁過猛片瓦
不留殿宇廊楹悉成灰燼諸董事擬仍舊址改向朝南
而議者以方位之未宜偪臨官廨且湫隘之是衰懼瀆
神明度起宏規請更爽塏乃以創建匪易慮經費之
較繁旋因旱澇不均值歲收之告歛遷延數載迄未鳩
工明年秋余奉簡命而來觀察斯郡下車謁廟
愀然傷之古木蒼涼悵瞻拜之無地頽垣錯落思興復
以何時余惟舉事愜於輿情則樂輸恐後程工仍乎舊
貫則歲事不難如位正南方既合嚮明之義譬力勤東
作又無改易之勞一舉斯成衆善胥備爰集紳耆以度
其規制延術士以相其陰陽然而獨木難支工非竣於
一日衆擎易舉人有賴於同心因出俸銀貳伯兩以爲
之倡遂勸官商紳士量力輸將振臂一呼傾囊百應水

匯流而為海米聚粒以成山并請公正司士董理工程
專司出納功既歸於實用費不致於虛糜始道光甲辰
年冬興工迄己酉閱五寒暑而廟宇落成其時司事
者呈有聖蹟圖誌全集譜牒世系視史冊為尤詳續
緒貽謀溯淵源之有自謹於東西兩楹建立敢聖祠
暨聖嗣後祀悉如圖誌所載是舉也無遷地之煩合
正位之制率循故址增廓斯模一鄉既多善人十室亦
有忠信其捐貲之最者則有若職員鄧承弼等勝果
既成崇規式煥塗茨丹墀協體制之尊嚴輪奐崔巍仰
規模之宏敞當工作告完之日正倉箱報瑞之時黍稷
惟馨祀始肅從此條風膏雨式聽民樂於無疆行看
歲稔人和永荷神靈之默佑云爾是為記道光三十
年庚戌黃鍾月長白
慶廉撰舊志新纂

風龍神廟 在城隍廟東春秋二仲致祭歲有水旱亦禱

焉
舊志新纂

忠義節孝祠 在縣學東 國朝雍正四年知縣羅秉禮

奉文建

舊志

嘉慶元年圯於颶風知縣黃靖重建道光十

八年燬於火二十九年知縣張銑興復邑人金之傑獨

建節孝祠

溫處道朱文翰碑記誠之者貴可與天地參廟焉而饗斯與神祇伍皇朝雍正紀元

大聖人敦崇名教匡植彝倫極明暨幽釐正禋祀勅下
直省州縣祀名宦鄉賢別立忠義節孝兩祠俾所在有
司歲時致祭良以主爲而薦動於人心陰幽以思通乎
化理典至鉅意彌厚也永嘉忠義節孝祠舊在縣學東
偏倚夫子之宮牆經宰官之締構嘉慶丙辰圯於颶邑
令翁粹輒奉忠義羣栗主附於昭忠祠中而就其傍一
楹以祀節孝因陋就簡不中程度昭忠祠者益乾隆丁未
平臺灣之役奉建專祠以祀殉綏諸將士者也越歲丙
子學官錢塘周君澧等白其事於巡撫部院金溪湯公
於是下臺檄始議興復迄今已卯之歲知永嘉縣宜興
黃君靖旣蒞官之四年毅然出廉俸鼎建兩祠相度故
基復還舊觀列棟周垣宏敞堅緻經始以仲冬二日落
成於明年孟陬十日文翰備官斯土適觀厥成乃撰良
辰奉辦香溪毛偕郡守興化余君暨諸僚友祭拜祠下

以告成事以妥神明同官徵予文以紀顛末予維忠義
節孝正教也詔令建祠命祀也正教昌何憂乎左道
命祀崇何慮乎淫祠國之大事在祀與戎繼自今竊願
賢合尹吉蠲俎豆必躬必虔既本是心以事神治民更
善推所爲於困窮無告於是上格天和自求多福宜有
不介而孚不期而至者神其許我哉邑人張君瑞溥官
四川叙州郡守方以讀禮家居實趨走左右厥工克忘
其勞以迄歲事是亦邦之賢大夫也是宜並書系以四
言韻語一章俾歲時歌以侑神其辭曰剛中而忠方外
而義節則義盡孝則仁至其事庸庸菽粟布帛日月其
光金玉其質牆宇曷摧碑以永諸碑不可磨祠可廢與
采采蘋藻惜惜磬笙萬春億秋來格厥城（永嘉縣知
縣張銳重修祠宇碑）忠義植綱常之本節孝敦風化之
原所關豈淺鮮哉我朝崇正教正祀雍正紀元
勅下直省各州縣設立專祠令所在有司官春秋致祭
典至鉅也永嘉忠義節孝兩祠在縣學東偏嘉慶丙辰
圯於颶越己卯邑令黃公倡其謀鄉大夫張公贊其成
觀察朱公記其事祠宇得以重新道光戊戌燬於火俎
豆馨香之地忽摧爲荒烟蔓草之場傷已閱十餘年太
守平原問珊張公莅任於茲始謀興復旋又奉諱歸里

捐留俸錢二百千命邑人士舉其事棧棟甫建復遭颶
壞所捐貲已靡其半役遂不克成予蒞任之初方謀修
舉穴而未暇越明年紳士周時風鄭烜朱城陳繼修等
僉請重建時復有邑人金之傑請獨建節孝祠予嘉其
義遂允所請惟忠義祠費尙不敷乃於捐廉外復爲勸
募經始於季秋之日落成於季冬之日視舊制而增廣
倍固焉遂擇吉奉栗主入祠因爲之記其顛末併樂輸
姓氏勒諸石夫祀之有關於綱常風化者其興廢皆有
司責也惟願茲土者修葺以時弗使廢墜荐享以禮毋
有簡怠用以答
聖天子闡揚之意爰諸忠節聲靈之位則
善莫大焉道光三十年黃鍾月新纂

昭忠祠 節孝祠 附在東山麓舊小教場地 祀乾隆五十

難諸將士奉文 飭建嘉慶元年學宮旁忠義節孝祠
毀於颶風因以忠義各主附祀昭忠祠而以旁三楹附
祀節孝後遂因之同治六年知府戴槃重修記畧郡城
之南建有昭忠祠左三楹祀忠義右三楹祀節孝前周
太守修理廟貌一新惟大門在田野間春秋祭祀不便
出入現擬改建費鉅不果茲捐廉錢將永嘉粵匪案內

殉難紳民婦女之奉準入祠者五百餘人製牌附祀并將祠內向有菜田十四畝亦查出歸祠惟改建大門俟諸異日此記新墓

東甌王廟 在華蓋山下舊稱永嘉地主昭烈廣澤王明

洪武初詔定為漢東甌王舊志成化丁酉知縣文林改嶽

廟祀之湯志歲二月八日致祭康熙志王姓騶氏名搖越

遂率其民從諸侯滅秦又從漢滅項籍惠帝三年封東

甌王歿葬甌浦山因立廟焉其一在永興堡王叔杲

重脩廟記吾郡古稱東甌環九山而城東為華蓋秀聳

甲一郡山之麓故有東嶽廟建自勝國而海壇山麓故

有漢東甌王廟成化間郡守三山項公澄命邑令姑蘇

文公林釐正羣祀諸弗隸制典者汰之以故王廟隘弗

稱毀東嶽諸神像易廟額崇王祀焉嘉靖初門廊拔於

颶風會郡丞新淦劉公正亨以禱雨至廟顧瞻神宇喟

焉首捐俸率作予樂於襄其成遂鳩工簡材易朽蠹塗

丹雘果甃為壁撤橋為臺面衛重樹門屏望之金碧輝

左

燦蒼翠森交闕麗埒帝居夫既故荒服草昧蒙翳自王
翊漢胙土而東甌始列於封域著稱信史出左衽而同
聲教千百年以來人文煥發英賢踔起甌以鄒魯文獻
擅稱固山川之毓奇而肇邦綏化則王攸始觀平成者
思明德享粒食者頌思文王之功美哉遠矣朝錫祀典
而邦之人士伏臘瞻祝期修之世世弗替斯固美報不
容已也廟新於萬曆八年庚辰因為迎神送神二歌歌
曰九山玉映兮莫茲華堂湘濯清泉兮於薦羣芳元馭
乘風兮恍矣窮窮龍吟鳳舞兮冕蔽斯皇顧瞻舊邦兮
於焉徜徉右迎神陟降於爍兮電掣雲揚靈光上燭兮
寃雪帝旁裸將孔時兮駭奔靡遑昭烈光澤兮天高海
長願遠明休兮惠我無疆右送神國朝朱彝尊重修
廟碑豪傑之士往往起破家亡國之餘流離瑣尾極人
情所不堪卒自奮於當世論者徒矜其勲伐之隆至心
跡之微隱而不彰者多矣張良之於韓田橫之於齊卒
從諸侯滅秦要其志期於報讐雪恥而已若夫封留王
齊豈以是爲榮哉予讀史至秦楚之際有感東海王之
事其報讐雪恥無異良橫之所爲而終王其故土守越
之宗祀以不廢則又良與橫銜悲飲恨而不能致者王
克致之可不謂難焉惜未有推明其心者而僅以趙陀

梅鎬之屬視之也歲在癸卯予游永嘉乃得謁王之廟
於縣治之東華蓋山之下廟久不治言之知縣事漢陽
王君世顯修葺之王君許諾以予之將歸也先事請予
文紀之石按史王勾踐之後國覆於楚至秦郡縣天下
廢爲君長及諸侯畔秦王率越從郡君入關滅秦漢擊
楚王率越佐漢滅楚高帝封王於越以奉越後惠帝二
年舉高帝時越功曰閩君搖功多其民便附乃立爲東
海王都東甌世俗號東甌王此廟之所由名也漢制非
劉氏不王其初異姓王者八國卒就誅滅王與長沙王
芮閩越王無諸獨終始得全非以忠謹然與司馬遷謂
王入關時項籍主命弗王故王不附楚是亦未推王之
心者蓋王之國楚實覆之項氏雖非楚後而世爲楚將
安知覆越者之非項氏也然則王之不附楚而佐漢也
明矣方其喪國於楚廢於秦版圖入丞相府越人終保
而不散以瘡痍未起之衆馳數千里犯強虎狼秦及漢
軍垓下黥布信越期會不進而王之用命若蹈湯火蓋
國恥未雪王之心有不忍一日懷安者是可謂豪傑之
士矣夫其流離瑣尾英毅果銳之氣百折而不回歿爲
神明廟食於千載宜也爰從王君之請綴以詩俾迎神
送神者得以歌焉辭曰芒芒禹跡無遠弗届兮維此東

歐九牧外兮無餘封越少康之支兮至於勾踐遂霸江
淮兮廟與不壽世載更兮翁翳之侯及無疆兮師覆於
楚其亡忽兮或君或長海濱是窟兮七世惟王既訓乃
仲兮地雖秦郡人越人兮函關既入拯羸酷兮復會於
垓殲楚族兮國恥既雪白馬刑兮散鬼而壽百六十齡
兮維歐之鄉王所泄兮秩祀孔虔民有事兮何以迎之
尊有罍兮杞杷橘栗桃李梅兮維王之來樹兩旗兮何
以送之工用謳兮琴瑟笙等筑坎篪兮維王之去亦莫
我尤兮我歌倡兮我舞洋洋兮黍稷維馨籥豆大房兮
千秋萬歲俾樂康兮我舞洋洋兮黍稷維馨籥豆大房兮
明胄炎劉佐命功分封仍越土遺廟巋然同朱彝尊東
雉雕梁拂彩虹千秋存帝制奏格儼然同朱彝尊東
歐王廟詩九牧維揚外三江霸越餘入關從漢約遵海
裂秦墟豪傑宜如此艱難氣不除策功夷項籍分壤接
無諸迹異尊黃屋忠能奉簡書長沙堪伯仲百濮定何
如萬古開王會孤城指帝車靈旗存髣髴過客盡歎
歎瓦年頻折霜林日漸疎陵隄山鬼立苔蘚石堂虛
側想風雲會乘時草昧初遠塗今日暮下拜獨躊躇

橫山周公廟

在廣惠坊俗稱平水王廟

府志

嘉靖三十

四年燬三十七年重建通志國朝乾隆二十一年知縣

崔錫重修歲二月朔致祭舊志及此唐案府志廟最古者東

加唐袞冕樂工猶服晉衣冠可證明宋濂溫州橫山

周公廟碑記禮者曰能禦大菑則祀之能捍大患則祀

之先王之制非惟崇德報功以垂勸於方來亦所以達

幽明之故而察鬼神之情狀蓋受氣之剛大者決不隨

物漸盡其能警動威靈以錫羨萬民乃其理之所有學

者多疑於鬼神遽絕謂無之夫豈可哉有若橫山廟神

之事其明效可觀已神諱凱字公武姓周氏世居臨海

郡之橫陽生而雄偉身長八尺餘髮垂至地善擊劍能

左右射博文而彊記家雖貧躬耕以養父母及司馬氏

平吳興陸機兄弟入洛張華薦之神知晉室將亂獨辭

不就時臨海屬邑曰永嘉曰安固曰橫陽地皆瀕海海

水沸騰蛇龍雜居之民罹其毒神還自洛乃白於邑長

隨其地形鑿壅塞而疏之遂使三江東注於海水性既

順其土作又永康中三江逆流颶風挾怒潮為孽邑將

陸沈民咸懼為魚神奮然曰吾將以身平之即援弓發

矢大呼衝潮而入水忽裂開電光中見神乘白龍東去

置壇廟

但聞海門有聲如雷而神莫知所在矣俄而水勢平江
禍乃絕邑長思其功號其里曰平水且建祠尸祝之祠
初在城之西郊及更永寧爲永嘉郡郭璞相土遷之於
西洋遐邇徽靈者無虛日神功益用赫著陳至德間閩
寇章大寶侵分水嶺其氣勢張甚民爭遁逃神見天兵
於雲間戈甲耀日盜驚而潰唐武德中輔公祏爲亂其
黨入寇民依華蓋山築城而拒守之時當嚴冬神降大
雨雹寇弗敢近城因得不陷天寶中河決澶州怒暴不
可制神見黃旗驚濤間河復故道光化末天台大饑神
化形爲商以米貸人已而投杵於江變爲赤龍騎而升
天宋景德初契丹同其母蕭氏南侵丞相寇準殿前指
揮使高瓊奉真宗親征車駕過河幸北城天際見力士
數萬旌旗上髻髯有平水王字虜懼請盟而退大中祥
符初詔營王清昭應宮取材於溫之樂成使者以重山
不可致走禱於神忽風霆凌厲龍湫震盪巨石皆起立
大木斯拔蔽江流而下神之靈異或見諸紀載或相傳
於父老之口如此者蓋不一而足今則粗舉其槩而已
神初封於唐爲平水顯應公等陞王爵賜袞冕赤舄宋
累加通天護國仁濟之號從祀郊壇兼賜仁濟爲廟額
元復加以威惠進號太和沖聖帝遂易廟爲宮逮入國

朝壹以誠事神以爲數加溢美之辭非所以敬恭明神
詔禮官定議爲橫山周公之神仍命守土臣歲修祀事
至於廟宇之建修皆郡守任其責可考見者自陳毛喜
逮元左答納失里凡一十三人云昔者大禹當洪水橫
流之時隨山刊木奠高山大川民始得平土而居千載
之下觀河洛者必思禹功而勿忘天衷民彝其不可泯
也如此若神之爲憫生民之昏墊奮身而與捍患禦災
蚩蚩之氓得遂桑土旣蠶而不混爲魚鼈者果誰之力
與夫禹之功在天下神之澤則被乎一州雖有小大之
殊其惠利萬民之心則一而已廟而祝之誠合先王之
制孰謂非宜州人士永嘉教諭許士宏訓導張升恐無
以示來者介鄉友秦王府紀善林君溫徵濂文勒諸樂
石濂旣爲序其事復作歌一篇使邦人歌以祀神其佐
神張鉉字子元郡人宋右科進士仕至閤門宣贊舍人
剛烈正直嘗上疏言事忤史嵩之被斥而歿旣歿而顯
靈太守吳泳因並祠之元封協惠侯進正肅英烈王法
當附書文中歌曰東甌之地大海濱止斥鹵噴蝕成荒
堙止有時魚龍或怒噴止蹴翻巨浪高嶙峋止懷褻勢
殷葬無垠止惟神我憫眉屢輦止帥眾疏鑿不憚勤止
夜役陰兵直達晨止三江順流若拖紳止盡化魚鼈爲

衣巾止一且颶母號秋旻止江流逆上波插雲止城廬
沈溺在途巡止神知事急如救焚止彎弓注矢肯顧身
止眼不見水惟見民止衝濤直入勇絕倫止海水壁立
左右分止赤雷飛射光相燉止神乘白龍赴海門止
競似聽驚雷奔止水禍頓弭人具欣止有室可居田可
耘止僉言曷以酬大勛止有廟肇祀西洋濱止漸周吳
越泊七閩止神功彌盛海宇聞止天兵建隊向空陳止
旌旗上著鳥篆文止虜氣驚盡去解屯止沉茲狗鼠視
欲吞止河道遄復流云云止投杵化龍靈蹟存止疏封
直至帝王尊止冕旒衣佩瑤璠止神之正氣塞乾坤
止下上日月摩星辰止元化沕穆合神人止旣民戴神
忱且恂止遐邇奔湊川之臻止如見靈旗降繽紛止牲
牲肥腍酒苾芬止驅斥厲鬼黍稷蕃止太
史造文勒堅珉止後千百載期無譖止

文丞相祠 在城北江中孤嶼祀宋右丞相文天祥以台

郡少卿杜澣永嘉正將徐臻配舊志明成化中建宏治十

三年趙寬展修歲春秋致祭湯志明謝鐸永嘉文信
國公祠記成化壬寅夏月

宋丞相文信公新祠成在永嘉江心孤嶼蓋宋德祐中
公避難興復之地去今且二百年矣卽其地與其祠尙
想見其風聲義概歷歷如前日事雖小夫婦女皆知公
之爲烈也於斯祀之固天理人心之不容已而亦安知
公不死之心不眷眷於此也哉當夫宋社旣屋天下淪
亡公方間闕萬死脫京口走真陽涉江浮海力求二王
之所在以一至於斯也人孰不曰無可爲矣而公指日
誓天載踏載奮鞠躬盡瘁不震不懼以一旅未亡爲興
王之期以一息尙存爲報復之計必欲誅澁若臣靡之
於夏必欲討卓若王允之於漢必欲挫溫過堅若謝安
之於晉凡其區區致力於未極之間強此之衰以艱彼
之進者皆聖賢之所難爲也故在易之遯曰小利貞又
曰與時行若乃併命於一死以自異於忘君負國之徒
夫豈公之所難哉故卽是以究公之生平不難於死而
難於未死不責其未死之功而予其必死之志不然宋
亡殉國以死者何限而獨公爲首稱哉初公之在難也
門下客莫有從者獨吾邑杜大卿許慨然從公以行竟
克脫公而大卿亦卒死於國然則祠公於此而以大卿
與享固禮也公祠在京師在廬陵者已非一日永嘉之
祠則今劉令尹遜所創令尹於公爲鄉後進知公爲詳

因白郡守項公澄爲之旣成肖公像其中仍置田以供
祀事於是郡邑兩學士子謂其有關風化也將刻石以
紀而以其師之命來告於予於戲公之赫赫不可蓋者
固不繫祠之有無而亦奚有於余之言哉獨世之嚮往
不足者非此無以致其私而令尹乃能於簿書法令所
不急者力倡之以風示當世是故不可以不書因書之
且遺之詞俾歌以祀公其詞曰孤嶼兮江中屹顏波兮
我公江之流兮淙淙公心萬折兮必東乾坤兮易位江
山兮改色擊楫兮中流渺四海兮焉極江之水兮上通
於天孰挽而下兮洗此戈鋌江之水兮與海不竭石可
填兮臣心始滅日慘慘兮江聲哀公神不死兮尙其駕
風濤而或來緊廟食兮江渚萬歲千秋兮有如此水
趙寬重修文丞相祠記畧云公脫身京口至於永嘉宿
江心寺有詩成化中縣令文林劉遜相繼訪公遺跡刻
公詩於石立祠祀公宏治十三年庚申寬與同官偕來
溫祇謁公顧視祠宇庫隘弗稱林君曰是余責也郡守
鄧侯進日淮嘗擇諸僧寮得其地矣往觀之在寺北陞
倚巖臨流崇深虛明衆皆喜材用旣儲工役聿興林君
爲之區畫而郡守躬經營之祠遂以成因考諸從公之
士宜祀者得二人焉曰司農卿杜詩公脫鎮江詩之力

公至永嘉許實從又嘗以佐府招集兵財來台溫焉曰
正將徐璆溫人也以筆札典軍府機密小心精練從公
北行備彈忠款既又以得公之孫一人焉曰富在前元時
嘗守溫有惠政遂以三賢配享於公蘇之偉謁文丞
相祠詩丞相祠何處淒涼俯大川潮吞朱鳥味血灑杜
鵲天芳草朝烟暝青山落日懸西臺曾擊石慟哭至今
傳謝鐸謁文信國祠次公韻詩萬里孤臣命若絲支
離身世豈勝悲眼中無地可立脚頭上有天堪戴誰終
古網常今尚在百年運會定何期繼周別有中興頌不
用磨崖更立碑張天麟謁文信國祠詩鑒輿播越
此江邊丞相丹心張天麟謁文信國祠詩鑒輿播越
蜀山鵲潮生沙渚千年恨砥柱東南萬里天向晚蒼茫
雲影亂古祠流水漲寒烟楊文驄謁祠詩祠前古木
長龍鱗丞相英風尚帶辛心捧一誠留日月身當九死
定君臣只須海上三千已勝田橫五百人夜雨不勞
嫌寂寞卓家地主在東鄰國朝秀水朱葵尊文丞相
祠詩尚憶文丞相當年此誓師計成猶轉戰事去只題
詩竹柏空祠屋牲牢尚歲時鴟夷他日恨異代有同悲
鬢風霜老戰塵南渡山川餘一旅中原天地識三仁誓

登祖逖江邊楫憤激田橫島上人却望西臺更蕭瑟杜
鵲啼罷六陵春按察南康謝啟昆謁祠詩翠螺兩點
合何年雙塔東西日月懸海國風烟收萬里天涯水氣
匯中川開堂說偈尋清了過客題詩慕浩然縱我明眸
秋雨闊擊殘如意石欄邊丞相勤王問水濱危如一
髮繫千鈞趙家半壁憑孤嶼滄海橫流賴此身馬角還
鄉幸夙願龍髯攀帝泣羈臣登堂讀記瞻遺像雨洗莓
苔萬古春太傅儀徵阮元謁祠詩獨向江心挽倒流
老臣投死入東甌側身天地成孤注滿目河山寄一舟
朱鳥西臺人盡哭紅羊南海劫初收可憐此嶼無多土
曾抵杭州與汴州林文蔚文丞相像贊公生當宋季
甘作孤臣履危涉險取義成仁全兩間之正氣挽舉世
之沈淪生不歸黃冠於故里死則留遺像於江濱素
瀛贊跋右文信國公遺像余官京師時朱舍人承龍所
貽也越二年余以分巡駐温州遊江心寺故有公祠
蓋公以德祐二年夏四月航海來此欲與陸公秀夫張
公世傑同立益信二王至則二王已行公上表益王勸
進留一月始去以是郡人卽於寺左建祠以祀公余瞻
謁祠下旣賦七言詩一首復鐫公像於石嵌置祠壁繫
之以贊以當招魂之辭贊曰天水運阻六龍墜轡慟哭

中川公時未死杜宇化蜀精衛填海銕衣淚染玉帶血
演一劍崎嶇孤琴顛顛勤王閩嶠畢命幽薊諸葛遺像
伍胥留祠薌雲上征翠羽金支精靈髣髴其來
思乾隆甲寅四月既望江右後學秦瀛識新纂

卓忠毅公祠 舊在城南隅祀明戶部侍郎瑞安卓敬明

中葉奉勅建萬厯間知府衛承芳移建江中孤嶼 國

朝康熙中舉人陳振麟重建乾隆二十一年督學閩縣

雷鉉率永嘉知縣崔錫重修舊志三十九年邑人曾唯重

修歲春秋致祭

湯志案卓公在前明諡忠貞舊稱忠貞祠國朝乾隆四十一年賜諡忠毅

明秣陵焦竑江心卓忠貞祠碑夫振刷弔靡迅掃風塵仗黃鉞以康帝國執朱旗而清人瘼者聖人之略也氣有前往義無反顧五鼎赴而如歸七族坑而不悔者烈士之勇也故夫王綱素則開八紘以父之臣節弛則張國維以維之斯所謂言有正而若反道有悖而相濟者乎卓忠貞公名敬字惟恭溫之安固人也負公卿之

骨髮則相表其奇異蹈風雨之迷途則虎爲之嚮導學
府多聞披玉軸之文史兵符默契窮金壇之秘訣陳仲
弓閨門之德蔣公琰社稷之器公實兼之洪武末國制
草創儀章未立吳王太子或爭局於禁中梁國旌旗乃
上擬於天子公以夕郎首建朝儀固早已晰釁萌通國
體矣高皇帝因大器公晉宗人府經歷再晉戶部侍郎
建文初載燕國始建公觀其幾微密爲計畫語具劉忠
愍所爲傳中此卽賈生策諸王之勢晁錯謀劉氏之安
何能遠過而壯事難期老謀莫試尋至中州圯拆上國
崩離上女同嘆於殷墟鬼神共謀於曹社蓋天步初夷
屬搶攘而未定故人懷靡常舍神聖其奚屬斯時也以
高帝之子續崇高帝之緒以高帝之略寵夷高帝之人
新命舊邦非逐鹿之可擬子燕孫貽豈瞻烏之靡定公
卽準管魏之擇主撫鐘簫而自怡其與更二姓事兩君
者當異日談也顧刀環築口勁草之性不移戟枝入頸
送往之情彌厲臧洪同曰誓不孤生卞壺一門幾無噍
類豈不痛哉昔伯夷之諫也太公扶而去之公之死也
少師與有力焉非古今之道殊忠佞之情異也以公材
智邁於夷等生死能爲有亡故也公歿文皇屢追惜之
日國家養士三十年不負其君惟卓敬耳湯不以伐夏

而放沈淵之務光武不以翦商而誅采薇之墨允非天
下之至公其疇能與於此嗣後二百餘禋京兆用今皇
帝矣西詔書建祠治城山側祀公等若干人名之曰表
忠所謂明主恩勵臣節之意甚厚公生東甌而郡乏專
祠英魂未妥鄉人興嘆蜀衛侯承芳來守是邦始卽中
川文山祠右爲祠以祀公嗚呼方黃之死事非不烈也
而碩畫無間胡解之委身非不智也而顯名僉失前有
曲突之謀後無銜璧之辱奮一時而超千祀者其惟公
乎余也訪侯郡齋劇談芝桂觀公廟貌與薦蘋蘩靈爽
如存嗟人骨之皆朽忠孝勞生晤光明其何暮擊牲爰
告卽石爲銘詞曰粵古忠臣動必以正圖國忘身見危
授命砥柱不流疾風斯勁我我卓公忠出其性有明開
闢地正天刊龍戰甫戢元黃未乾九海波沸千嶽峰剗
勇智不作華裔時安眞人踵興閭統斯削帝緒中廢壇
社如昨簞食壺漿稽首崩角命有與廢人無適莫公也
矯矯力抗其衝賈策定制晁疏徙封委心王室削款侯
宗水投石拒心苦力窮無波不隨有作莫遂大厦顛隤
一木焉制勇嬰鯨逆心安骨碎鼎鑊胡甘社稷是衛疇
不自委曰國懿親公志邁世矢死靡分心堅百鍊義不
二君凌厲白日晝露高雲周民則頑股夷已厚養士卅

年庶幾無負厥有褒詞皇皇天口君義臣忠異途同紐
我皇御宇丹青白麻開彼忠魂一酒垢瑕旌祠治城錫
允厥家仁風扇動義日光華海嶠國鄉公之桑梓祠宇
勿皮仰瞻奚以有美衛侯塢工相梓高靈雲構層楹電
起長江孤嶼楚楚新宮摹文像卓作配西東奸雄泚顙
烈士動容刊碑撰德今古英風明鮑嘉蘊卓忠貞詩
丹陛雖移尙一家孤臣九死志靡他徙封晃賈謀何切
叩馬夷齊義孰加桑梓百年師表在蘋蘩干祀主恩賒
忠魂不作啼鵲化幾向朝元泣暮鴉劉康社卓忠貞
詩文皇龍戰定垓埏九廟鐘簾儼不遷薄海金甌歸共
主忠臣玉碎肯移天生前浩氣馴虎歿後英魂繞杜
鵲化鶴橫歸故鄉否忠貞祠廟海雲邊林夢龍過江
心卓忠貞祠詩兵入金川事已非孤臣殉國淚沾衣攀
龍何處從魚服逐燕空台上帝畿湛族甘心全勁節徙
封遺疏識先幾荒祠寂寂局江許古樹迷離黯夕暉
戴信準詩北師強悍抵雄關歎息孤臣血淚殷首議徙
封安廟社翻因全愛墮江上動時留正氣在人間國朝
生槐觀顏風雨怒濤江上動時留正氣在人間國朝
梁章鉅詩湛族當年淚不收江心遺廟尚千秋敢言養
土真收報恨不移封作隱憂末路可憐遭病虎故山應

悔錯騎牛革除舊事誰相
理賴有 天朝謚典優

天后宮 在大南門外乾隆六年興化莆田商人建一在

西門外乾隆元年汀州府商人建舊志又天妃宮在八字

橋乾隆二十三年奉 旨加封誠感咸孚天后聖母

命各省春秋致祭祠以少牢承祭官行三跪九叩禮舊志

〔案〕舊說友咸溫臨安志順濟聖妃廟神本莆田林氏
女數著靈異宣和五年賜順濟廟額紹興二十六年封

靈惠夫人紹熙二年改封靈惠妃慶元四年加助順號

累封至嘉熙三年為靈惠助順嘉應英烈元明二代累

加封號〔丁〕伯桂廟記云宣和壬寅給事路允迪使高

麗中流震風神降於檣獲濟奏於朝賜順濟額紹興間

海寇憑陵效靈加封昭應時疫流行神降言令郡民飲

甘泉立痊加封崇福清熙甲辰民苗〔丁〕未旱庚戌夏旱

禱之立應狀聞於朝易爵以妃

忠烈廟 在簡訟坊祀宋教授劉士英諸生石礪學掾盧

璿舊志廟中配享有張理包汝諧林懋從祀有丁仲修等皆同時捍禦有功者歲以三月望日致祭元林
景熙忠烈廟記永嘉忠烈廟在郡學東百步雖故居庫
隘英風勁節與九斗相高非他廟比始建於宋太守王
公定重建於今縣尹王公安貞二公生不同世居不同
壤惟尙賢敦化之心根於秉彝者同也宣和間睦寇猖
獗所至同惡響應州連陷且五六建瓴而下蕩搖我境
守貳將棄城走教授雲川劉公士英激憤於衷曰吾徒
誦詩書講順逆而俯首帖耳以事賊乎館下生石礪慷
慨佐之畫守禦謀行保伍法出奇計數挫賊鋒於時海
內丑安郡無武備而忠驅義感獨恃人心爲守保全城
以還天子越五十六日王師至賊始驚遁永嘉遂爲秉
禮義之邦益信獻俘執醜古稱泮宮而眞儒折衝凜於
百萬之騎有非武夫健將可同年語也上賞功劉通守
太原會金人犯城守力戰卒全其節石辭祿不居以布
衣終皆毅然爲鬼雄賜廟固宜歲久廟圯奉神像遷於
學大德丙午八月庚申廟成乃迎以歸尹帥其屬張樂
置醴奠焉郡學掾阮琦嘗贊是役與諸生列拜祠下咸

曰耿耿乎休哉夫受朝廷命以來爲縣上扶教次勤政不教不政而私欲是營下矣予雖未稔公政聞其修孝子墓建忠烈祠係於風教者可書政而孰大於是故邦人之請爲記以壽於石有曠百世而相感者吾亦不自知其何心也明成化間知縣文林遷城西新河里宏治於是乎記

戊午知縣汪循再遷今址自爲之記

文詳金石

國朝嘉慶

初元里人奉華光大帝像於此改爲華光廟光緒元年

教授戴咸弼倡議修復邑紳葉慶祺等佐之立石紀事

記曰郡城東南隅簡訟坊有忠烈廟焉祀宋宣和間教授劉公士英及州學生石公礪學掾盧公璿蓋以三公守城禦寇之功載在祀典大有造於國民者也廟初建於宋賜額忠烈在府學東重建於元大德間林景熙爲之記明成化間縣令文公林遷新河里宏治間廟圯令汪君循轉遷今址自爲之記廟左舊有華光廟國朝嘉慶初毀於颶風里人奉神像居此而以他神附祀易廟額焉今人知爲華光廟不復知有忠烈廟七百餘年

之偉烈幾於湮矣咸弼承乏甌類於公爲鄉後進見夫
貞珉具在廟貌猶存瞻仰徘徊而嘆公之功爲不可泯
也夫公之事蹟永嘉守禦錄記載甚詳則其廟食甌邦
魂魄猶樂居此宜矣惜乎易忠烈爲華光吾知華光有
靈必不願掩忠烈而有之亦明矣爰與同人葉君慶禔
等僉議籌捐脩復勸諭里人遷華光神像於故址爲作
新計衆咸樂從遂諏吉於光緒初元規復舊制新三公
像設從祀諸義士丁仲修等栗主於左右室廟外緣周
垣嚴啟閉題舊額於門之楣閱三月工竣計費緡錢五
百九十有四皆官紳仗助之力悉載徵信錄中攷府邑
志向例三月十五日以一羊一豕致祭屆期由府委佐
貳行禮嗣經紳董葉君稟請郡尊專委儒學主祭飭縣
立案並將捐修文廟羨餘若干置業生息撥助祭品
之不足及散福諸需用昭誠故庶有以仰體朝廷表
忠之意而公以儒官保障一片其功乃厯久不磨也不
亦偉哉爰勒諸石俾後之君子有所攷云光緒三年冬
十月

新纂

忠訓廟

在廣化廂祀宋忠訓郎徐震歲五月望日祭

明

統志在府城西三十里宋宣和間郡人徐震率義兵禦寇死於難事聞贈忠訓郎顯人爲立廟祀之

張忠惠侯廟 在府城南明一統志明宏治間知縣汪循徙瑞

安門內嘉靖通志侯名理宋宣和初睦寇至迎敵力戰橋陷與周承已婁淵潘守真丁仲修死之郡爲

立廟吳山以四人配乾隆志唐將軍龔公宋先鋒張忠惠侯宋忠烈劉石盧三公宋忠訓郎徐公新設夏公

祠各一祭

褒忠祠 一在瑞安門內祀都指揮夏光舊志嘉靖三十一年禦倭死於

王江一在興文街祀贈太僕寺丞王沛歲各二祭舊志

嘉靖三十七年禦倭陣亡

旌忠祠 在三港廟左祀指揮祁嵩歲一祭乾隆志

表忠祠 在迎恩門內祀貳守贈參議黃釗嘉靖時禦倭

陣亡歲春秋致祭郡守林繼衡修乾隆志

愍忠祠 在康樂坊祀僉事王德嘉靖三十七年禦倭陣

亡詔爲立祠歲二祭乾隆志

勅建雙忠祠 在華蓋山上祀溫處道僉事贈通政使陳忠

毅公丹赤永嘉知縣贈通政使參政馬忠勤公瑯歲春

秋致祭舊志康熙十三年溫處道陳丹赤永嘉知縣馬

祠崇祀奉

旨允行 御書雙忠祠額 商邱宋舉重建雙忠祠碑

記雙忠祠者故奉勅建以祀死節之臣溫處道僉事

陳公知永嘉縣事馬公者也康熙十三年耿逆叛於閩

勢張甚浙東西大震溫州首被圍二公相與謀曰溫界

閩越之交無溫無閩浙也吾儕讀聖賢書誓以死守脫

不濟義不可苟活約既定灑泣登陴帥士民畫守禦計

甚備而總兵官祖宏勲者潛通賊爲內應佯以缺餉激

怒其衆一軍甲而謀劫二公會議於郡之大觀亭二公
大聲曰欲餉則予餉耳是何爲者又反覆開諭以國恩
不可背負宏勲語塞氣奪恐衆心動益大怒時陳公方
以扇指麾突以白刃橫擊手隨扇墮馬公瞋目大呼亟
起搏賊賊從後揮刃中公頂流血被面公卽以首猝宏
勲曰吾與若俱死矣俄羣賊蜂至遂同遇害至死罵不
絕口時甲寅六月朔日也丙辰王師定閩浙上其事
詔從優卹贈廕祭葬祠禮復賜陳公諡忠毅獨馬公
格於階例不得予諡會康熙四十二年上南巡蒞
吳時馬公之子以參議督糧吳會援陳公例以易名之
典上請得俞旨賜諡忠勤又御書旌勞蔡忱
四字扁額俾揭祠首蓋異數也先是雙忠之建地故湫
隘又制狹狹卑陋而忠毅故有專祠有司率詣此奉行
故事以故茲祠享祀不虔風雨不戒彫剝漫漶日漸就
圯壞參議公懼褻越宸翰無以副皇上優渥至
意乃謀所以新之而溫人聞命咸來言曰祠之不飭吾
儕小人之罪也於是慚沮交責踴躍輸委木石僦甃丹
塗灰鐵之屬充切峙積不鳩會而具乃召工師相方視
趾叶謀移構於華蓋山樸斲版築子來趨事凡三閱月
而告竣爲門爲廡爲堂爲宇峻整宏靚轍轍翼翼煥然

收觀已乃揭御書於前榮龍跳鳳翥金碧煜耀觀者無不踴躍主之口有司庶職咸在執事登降饋獻罔或不曾牲碩酒清禮備樂舉邦民和會耄倪歌詠懿乎懽哉洵足以侈鏡諸麗牲之碑俾志其重建始末後得以考再拜乞言鏡諸麗牲之碑俾志其重建始末後得以考余夙欽二公之高節不敢以不文辭竊惟古來之以雙忠稱者莫過於唐之張公巡許公遠韓昌黎謂其以一城捍天下蔽遮江淮阻遏賊勢舉唐天下之所以不亡咸歸功焉今溫全浙之門戶也首嬰賊鋒旁邑竊竊觀望二公故孱然儒生耳令其稍委蛇覲顏苟活自餘必從風瓦解全浙之存亡未可知也惟其視死如飴甘蹈日刃以身作忠義倡故聞風者爭自奮勵堅壁齟齬卒能保有浙西賊不得尺寸入以待王師之戡定是則二公之功比於張許其又奚愧抑考張許之在唐世奸邪之徒猶有異論而其時爲之上者雖事褒贈亦未有赫特異數之加我皇上崇德報功待死事諸臣甚厚計甲寅距今三十餘年而恩施有加無已揆諸前代莫與比隆蓋上之待下與下之事上其可謂交至爾矣嗚呼何其盛哉按二公皆起家乙科陳公初司李於蜀

課最入郎署旋以僉事出守馬公始任山左之昌樂有
惠政補永嘉不數月而化大行其治績皆有可紀茲不
著著其死事之大者陳公諱丹赤字獻之福建侯官人
順治辛卯舉人由溫處道僉事贈通政司通政使諡忠
毅馬公諱琛字奉璋陝西武功人順治甲午舉人由永
嘉縣知縣贈布政使參政諡忠勤參議君名逸姿字雋
伯由廕生歷任今職有能名受知於上將大用請
額建祠忠勤於是子例得附書乃系以詩曰維
皇受命奠覆九區有孽其間為獍為豺盜煽南閩蹂躪
浙土最爾海疆門戶堵挂於燦陳公持憲是邦堪胸碎
首斃於頑凶馬公罵賊髮指趾裂與城俱亡嚙嚙喋血
雙忠烈烈生氣不磨帝曰余恫贈恤有加死勤廟
祀載在典禮靡不有初閱世而比烈烈雙忠久而彌赫
載紳殊恩龍章用錫新祠斯作侈於舊觀柏版松楸寢
成孔安葵藿之傾太陽之照惟帝念哉是旌是勞
璇題有欄如日正中昭示來裔高廣有融蜃江之濱吹
臺之址魯公信國鼎足焉時有穹斯石鐫以銘詩凡百
有位敬而式之邑人陳遇壽重建雙忠祠記雙忠祠
之廢與於今凡三年矣雙忠者僉事陳公丹赤邑令馬公
珙也康熙十有三年遭耿逆變同日死義事定奉

詔建祠御書雙忠祠額賜陳公諡忠毅馬公格於
例未之及此祠之初建也後馬公子名逸姿者由廕生
歷任蘇松督糧參議陳情請諡得賜忠勤並宸翰前
勞葵忱四字參議公復於其旁創一祠敬奉宸翰前
後三楹旁廊後閣望九峰屏列烟火萬家巍然大觀此
祠之再建也祠踞華蓋山頂當風雨之衝不久而望者
剝堅者朽故廢壞尤易嘉慶十年雨堂黃公令永嘉有
志興修屢與余言擬先發祠內貯金三百葺之時大屢
未傾圖功猶簡旋以上游多公政聲調任錢塘事遂寢
越九年元和希齋黃公來權邑篆政暇登山詣祠大半
傾圯神主暴風日中慨嘆者久之知忠毅公爲其鄉侯
官人因與閩人寓歐者謀復其宇咸欣然從之屬余襄
事余重黃公之舉不敢辭不數月工粗就希齋公調任
平邑邑人十聞而樂輸無間乎閩人祠藉以成此三建
之始末也初參議公隨任永嘉年幼耿難作國人禍而
出渡江自焦山而梅奧而小京而寒埠入崑陽匿之潘
氏崑陽地險山高而人跡罕到乃得安然無事宜其不
忘先人之於歐并不能忘我歐之人也復置田百有十
畝供祠之二祭與葺祠及守祠者需爲久遠計迄今百
餘年矣祠廢而復興豈非二公之烈而參議公之孝思

不圖亦有以致之與至二公之偉節寵光宋牧仲尚書
暨黃希齋邑侯兩記在可無庸贅抑聞忠勤公猶子名
頴姿同時赴難未得上聞人亦希有知者余因雙忠祠
廢典之由記於此以補志乘之缺云謝蘭生雙忠
祠增建龕座記康熙十三年耿逆據閩叛寇溫州溫處
道僉事侯官陳公升亦永嘉縣知縣武功馬公璆皆殉
難貝子傅喇塔督師平賊以事上聞奉 詔卹廕建祠
賜諡馬公格於例不得諡迨嘉慶六年奉 詔卹廕建祠
忠勤五世孫象南恩騎尉世襲罔替其同遇害之巡道
役林莪死尤慘邑人祠祀兩公廡下以馬公家人張亦
寶附焉己酉冬蘭生奉署溫經歷之檄赴任後常與王
樹榮朱長煦兩學師論祠廟興廢適吳廷康二尹于役
東甌偕登華蓋山謁祠見一小栗主書奉 旨優卹同
殉難姪頴姿神位詢之祠人云此永嘉縣主之從姪也
栗主斜置大龕殊不合式因與署永嘉縣主之從姪也
主於大殿旁增建龕座安置神位祠外仆碑一律扶起
請於巡道長白慶公廉知
府覺羅常公恩僉稱曰善

固山貝子傅惠獻祠 在西山護國寺側祀寧海將軍謚

惠獻固山貝子傅喇塔

康熙十三年耿逆陷溫州祠久惠獻率師平之勅建祠祀

圮道光二十三年溫處道慶廉改建於信和街丁字橋

聖祖仁皇帝御製固山貝子傅喇塔碑文惟稽古選建懿親作屏王室罔不在外以著成勞故魯公誓於淮徐召穆師於江漢咸書一策足紀功宗爾傅喇塔乃輔國公偏俄之子念係宗室俾仍父封嗣加特恩超列貝子屬閩越未靖師旅徂征簡佐戎行克揚我武電掃鯨鯢之衆風行騶駘之餘乃禮未舉於勞還躬遽捐於盡瘁朕惟生勤王事歿有寵章矧於宗室之賢尤切勞哀之誼爰旌殊績以易厥名特賜諡曰惠獻於戲惟慈愛有除殘之美惟勸哲有

制勝之能往勒貞珉光子屬籍

寧海將軍諡惠獻固山貝子功德碑蓋聞元老壯猷

方叔建維城之略宗邦作誓魯公整淮水之師故緯武

幕府功成宣之饒吹太常論定鑄以鼎鐘也我

皇清寧海將軍諡惠獻固山貝子宗室傳公殿下玉牒仙

源金枝帝胄鍾白山綠水之月間氣蕩漾銀潢受彤弓旅

矢之榮封輝煌寶冊弦開似月必逢貫蝨以稱奇劍淬

成花恒為剗犀而耀采乃者七閩有耿逆之變兩浙受

殃及之危奸將潛通妄營鼠鼠羣陰肆猝謬效連雞蔓

恐難圖波將潛及南天關隘已破甌閩全浙藩籬竟侵

台處候王師之直下俄宗子之遄征躬在行間扼

諸境上保赤城而卻敵已殲宋萬於軍中返緣嶂而燭

上塘賊苦迭雷之難掩由隨山而得路復連筏而渡江

嶺號太平途駐西山壁壘寺名護國應為東道祇林秉

鉞指揮龍戶共蛟門並壯登壇號令江氛與嶺祲全消

斬將拳旗背水而鶴鷺俱陳追奔逐北通宵則草木皆

兵固已三軍罷虎無不壯其猷而一隊蟲沙無不破之

膽矣遂使閩浙全收括甌再造新花細草兵氣為日月

之光剩水殘山故壘護風雲之色蓋力支大厦總天家
之籌畫居多手障狂瀾實閩外之勤勞最著也雖延議
已加隆典國史亦著崇勲而身沐深恩淺南溟而卑
華嶽心欽偉伐仰北斗以拜福星風土謳吟徒成稗史
月明嘯咏久仰神威昔年辛苦之鄉魂應戀此是日兜
率之宇神之格思既蒙靈位之重新應得豐功之載紀
僉呈上請勒石垂芳才等承乏名邦瞻依盛烈耳聞目
覩久傳故老之言心銘口碑難逆輿情之請於今爲烈
則當時之功業實屬非常歷久彌彰而此日之表揚正
以傳信因卽僉同之公論鐫爲不朽之貞珉庶勲猷與
日月爭光俎豆與河山俱永矣時乾隆庚申孟秋之吉
温州鎮總兵黃有才溫處道吳士端温州府知府楊士
鑑永嘉縣知縣何樹萼府學教授陸汝欽紳士陳王
綬等公立永嘉縣學生員蔡宏勲書丹舊志新纂

倉聖祠 在縣治東開元寺右 國朝咸豐五年創建祀

黃帝史官倉頡氏古右史沮誦周太史籀漢儒許叔重
鄭康成旁列從祀顏芝等三十八人
府學教授金衍宗
碑記粵稽古黃帝

命臣飛龍氏造六書倉頡氏創古文以利萬世其功與
天地相終始聲教所訖莫不崇祀豈獨一郡縣哉道光
庚戌秋予秉鐸來臨文廟教其責也臨海而號小鄒魯
君子尚文而俗好鬼神祠詢倉聖之祠則附祀文
昌後地幽翳而隘寒也前明府張君鏡蓉以文教爲己
任勤民愛士諄諄然諭令郡之茂才孟君錦雯葉君慶
祺葉君樹玉任君超俊等擇地於東南隅開元寺之右
頗經始而以事中止越歲復商於予予謂識字以通經
學必窮其所始崇祀以立廟功必竟其所終時有沙生
邦佑周生培珍懼其事之廢也乃請於予相與出橐中
金一千四百緡庀材鳩工計日蒧事中以奉倉聖旁
列古右史沮誦周太史籀尊所始也并祀漢許鄭二儒
類而及尊經也堂廡楹楹几筵簋豆煥然一新歷來未
成之局至是觀厥成焉時咸豐乙卯歲季春月也仰惟
聖朝養士數百年聲教洋溢無遠弗屆雖海濱山陬
被服儒雅而况吾臨之號稱小鄒魯哉今而後庶知文
字者經學之原本箋注者經學之津梁也則二
生之舉其有裨於文教也少矣故樂爲之記

赤帝廟 在海壇山麓祀火德之神 國朝康熙六年建

舊志康熙辛酉郡城大火知府王國泰熱禱祝融風返火熄建此

大禹王廟 在鎮海門外海壇山上宋雍熙間建

康熙志明葉

禹盛德大功嘉懋無間者掀揭於宇宙永賴之休迄今
視河洛則興思僅僅東嘉一隅亦立廟致祭蓋不近於
褒哉且會稽已有專祀茲祀也無乃無所謂乎予聞之
禦災捍患則祀之祀典之設亦以順民心也吾甌濱海
常患洪水蕩居覆舟莫可捍禦宋雍熙間郡伯姚公軫
念民隱敬詣會稽祈迎香火建廟於望京海壇之麓厥
後海宴民靈至嘉靖辛丑倖府彭公葺新祠宇建亭思
洛然皆未遑舉祀邇幸景湖陳公閩莆右族也舉進士
來宰東嘉看馴雉於野噓花風於邑教民有土小鄉魯
之風熙然觀厥成屬諸父老曰祠宇既構祀典其可缺
乎又以時詰難舉羸迺給三十都一里官塗五十四
畝擇耆老識事者如張鑒陳清張泳輩委任而綜理之
立春秋二祭為吾民祈福以其所積貲者而供之每歲
終則實計所費以報鑿鑿有條而贊襄之者二尹省菴

李公也夫以神禹之德之功耿耿不磨與天地並而精誠在天餘澤猶蔭庇乎海隅則今日之祀非褻也非無謂也因民心之追思而以義起者也若景湖公者其殆繼姚彭二公之志而尤為之創始者乎其殆心而垂光於無窮者乎誠不可以不紀其盛適諸耆老欲予記因筆而記之時萬曆乙酉孟夏日

忠靖王廟 在華蓋山下明洪武初建嘉靖三十四年燬

三十七年重建歲於五月五日致祭一在八仙樓巷元

延祐間建一在巽吉山麓元至正四年建舊志宋濂溫忠靖王廟碑

歲在閏逢潛灘斗杓直寅而其日某甲子東嘉道士儲祥曦新作溫忠靖王廟成後十有一年太史氏廉為之記曰太虛之間一降一升而能橐籥於無窮者非氣母也耶氣母之所孕其出無根其入無門而其應也甚神人能察乎陰陽之變而不凝滯於物者其知鬼神之情狀矣乎王姓溫氏名瓊字永清溫之平陽人父民望嘗中明經甲科年髦無嗣與妻張道輝晝夜禱於上帝一夕張夢巨神手擎火珠自天門飛下謂曰吾乃大火之

精將降胎於人張覺赤光被體中猶熹熹然因有姓以
唐長安二年五月五日午時生其左腋有震篆二十四
右半之七歲習禹步爲罡十四通五經百氏及老釋家
言二十六舉進士不第乃拊几嘆曰吾生不能致君澤
民死當爲泰山神以除天下惡厲耳復制三十六神符
授人曰持此能主地上鬼神言已忽幻藥父象屹立而
亡蜀葉天師後用其符崇除沴氣之爲人替者仿佛見
王衣赭袍握寶劍乘追風駿下之勿召之家遂皆祠王
以祈靈響焉王初封翊靈昭武將軍正佑侯其曰正福
顯應威烈忠靖王則宋季之累加也王之舉行見於傳
記者如此自薦紳先生言之可謂怪神之極殊不知氣
母之所孕入奇出神靡所不有蜚龍感而異人生元象
應而神蹟著蓋不可一二計惟夫偏鑿或足以病民故
必降剛明方直者而祛斥之此亦天道之恒非所謂怪
也古之聖神體天行道鑄鼎象物使民知神姦故入川
澤山林魍魎翹魎莫能逢之奈何氣漓俗微御陰陽通
神明之術不傳方士之徒遂得竊其機權而用之世之
昧者不知出於古聖神遺意咸歸諸道家往往鄙其譎
誕不經嗚呼是果譎誕不經者耶系之以詩曰南離有
赫大火神下土六氣凌三辰靈龍乘駢輔以雲披髮下

降瘴海濱帝出乎震物以伸約束百鬼主地門神往從
之勢翻翻豹韃絳衫紫纓巾七斗直劍火暈輪嶽祇瀆
鬼爭駿奔厲或憑人叱使泯弼贊元化歸一鈞東嘉之
山翠嶙峋作宮翼翼鳳鸞牲牢充脂酒鬱煜挺然正
氣扶乾坤山明澤媚日晞溫案平陽縣志載神姓林宋濂碑記姓溫當別有據

龔將軍廟

在集雲廂歲一祭

舊志唐刺史韋庸浚城南湖神時為部將督視遭仇

甫之亂力戰溺死湖中郡人即其地立祠從祀翁蘇二將蓋同死事者

海神廟

在海壇山麓唐咸通二年建宋崇寧元年賜額

善濟

康熙志宋元祐五年守范岫夢神自言姓李唐武宗時宰相以事南遷而歿今在城東北隅叢薄中

范審疑為南公德裕作新廟貌上其事

明陳詔海神廟詩王爵司溟渤靈旂繞殿光陽侯驅水怪陰火薄秋

霜色晏龍宮寂波平海國康

朝宗來百職劍佩響琅琅

楊府廟

一在瞿嶼山一在海壇山

萬厯府志臨海神楊氏失其名相傳兄弟

七人入山修煉後每著靈異舊志按神姓楊名精義
唐太宗時人生十子俱入山脩道一夕拔宅飛昇同登
仙籍由此著靈
國朝咸豐四年冬樂清瞿逆滋事賴
海遂禱祈輒應

神力轉危為安浙江巡撫何桂清奏請 勅加封號同

治六年巡撫馬新貽復請奉 旨加封福佑二字知府

戴槃勒碑於海壇山之廟側新纂知府戴槃碑記異哉

寅十二月土匪瞿逆倡亂屬聚縣城勢張甚大兵未集
士民俯首帖耳莫敢攖其鋒忽一日聞然而起齊心殺
賊渠魁授首羣匪千七百餘人殲焉城遂以復僉曰此
楊府君之助也嗚呼異矣洵非神力不至此時余以剿
辦事抵樂聞人言歷歷如繪為作勘亂顯靈記上其事
於大府請於 朝乞加封號順與情答靈昭也既而部
議飭查未覆至 同治六年復請馬中丞題催始得 奏
准 欽加福佑二字封典甫下余方攝郡篆恭迎 勅
書告於神供奉訖考神之受封飭廟自宋始蓋其著靈
海濫歷有年所故郡邑皆有廟 國朝自嘉慶以來海

匪不靖均賴神力轉危為安迭資保障神之為靈昭昭也而樂人平賊之事為尤奇內無主謀外無兵力羣賊坐堂皇謀襲郡城而乃一呼四應義聲震天地突起就戮刀直前刺之殪賊惶遽不知所為或跪授刃束手就貳無敢抗拒者至婦人豎子咸能刃賊亂定後相顧愕眙率不解其何故謂非天奪之魄而神助吾民耶先是郡中有通賊者約同日起事先一日破獲瑞安逆黨某其子忽作神語白其父謀逆狀事遂洩縣之民亦皆以為楊府君所使則神之禦災捍患有不可思議者膺封號崇祀典宜哉夫不煩兵力羣起而攻之蠢茲醜類一鼓還平使溫台兩郡無攻剽饋餉之苦非蜀神之大有造於樂實大有造於浙東也聖天子以神道設教其即此意也夫案宋有勅北山楊府廟碑文明有按察司副使袁公碑記文俱無攷

旗纛廟

在都司署東

乾隆志

祀軍牙六纛之神歲以霜降

日致祭

郭記室祠

舊在郭公山下後移建於鎮東塔

萬曆志初音郭璞卜

城於溫立祠山下祀之案
今祠在北城下白鹿菴

王謝祠 在華蓋山下明嘉靖中知府龔秉德建祀晉郡

守王義之宋郡守謝靈運久祀志 國朝同治四年邑

入陳承鏘等重建於文昌閣左王叔果王謝祠記略吾

者多名賢晉爲王右軍宋爲謝康樂皆以治郡聞郡治

之東里名墨池故有右軍祠建自前守文公林嘉靖甲

午拔於颶風將新之衆以其址隘先參議相地於華蓋

山之麓重構祠專祀右軍仍故也迨前守龔公秉德乃

合祀康樂榜曰王謝祠頃毀有司以時訛未遑復舉萬

厯庚辰予兄弟命工庀材因故址爲堂三楹貌王謝兩

賢像兩賢治郡之績雖世遠莫詳而任敬序郡志嘗曰
永嘉自東晉置郡以來爲之守者若王義之治尙慈惠
謝康樂招士講書由是人知向學民風一變蓋並以循
吏稱而聲蹟流播泉曰墨池堂曰夢草坊曰康樂民至
於今稱之合而祀之豈惟揚江左之英華於吾國山水
亦尙有耀哉有司歲以六月致祭予爲記而侑以歌

梅調元王謝祠詩前守推王謝荒祠倚郡城千秋傳墨
妙六代擅詩名沼古鷺還浴塘春草自生風流今古事
俯仰一
含情

謝康樂祠 在積穀山麓東山書院內巡道芮復傳建舊志

顏氏雙忠祠 在城東北隅康熙志慈湖瞿溪諸鄉皆有顏魯公祠歲久圯明成化間

邑令劉遜改東北隅永盜廟為公祠台恒山公祠焉裔孫顏浚復修蓋公後裔嘗居永嘉故祠於此府志文

獻通考顏魯公裔孫裕五代時官温州與其弟綸祥徙居永嘉樂清本朝世復其家且時衰錄其子孫有登科

者故永嘉有公祠按瞿溪亦有顏公祠周天錫詩云魯公祠堂構溪渚畫壁陰森洒秋雨

薛補闕祠 在七聖廟巷舊志佚案楊雲薛氏譜薛嶠唐補闕令之裔孫宋涪

祐乙巳礮石勒補闕公遺像建祠奉祀明初甲辰災至

永樂癸巳田畯得補闕石像欲剽去之公降夢以警由是聞於薛得歸奉焉癸卯復葺其祠於故址見王時中

重建補闕祠記時中洪熙歲貢湖廣光化知縣新纂

朱文公祠

在縣學明倫堂左

舊志有像贊見金石

龐公祠

在巽吉山下祀明巡按御史龐尙鵬

舊志王諱

夫德不足以垂遠而豔翁於一時者小之爲惠也感不足以及遠而從史以趨時者習之爲諛也要之立法而人稱便歲久而德不壞則其爲德也大其爲感也深溫州城南三里許孤高而特秀者巽山也山之西有祠暈然有像偉然而俎豆於其間者侍御龐公也祠之左右高揭而大書者公之奏例也公名尙鵬字少南廣東南海人登癸丑進士由侍御歷陞都御史按兩浙在嘉靖四十四五年間初兩浙徵解起存錢糧業有成規惟所謂里長雜辦者端緒最多下莫周知吏胥乘以生奸小民困於供億視宋之衙前殆有甚焉已幾百年矣公奉命按浙深燭風弊亟思釐正之然不任己見與諸司往復參酌必求其當不爲已甚也下至米鹽柴燭之細必爲之地因事之繁簡爲用之增損畝有定賦徵有定期官無橫斂民無白著名曰均平他如革庫子之供役而令該吏輪掌免斗給之守支而令新役交代省館夫之支應而令驛夫領辦懲有司之科斂而貪墨不得加

派禁鋪行之需索而公私不得抑買既勵精力行矣且
請之天子既加惠一方矣且傳之各省無非憫民艱而
嚴法守爲無窮利益也故吾溫自昔至今百姓兆民莫
不舉手加額頌公功德富而多財者曰吾賴公得保吾
家貧者曰吾賴公得保吾身官於斯土者曰吾賴公得
善吾職所不便者汚吏耳然有所畏而不敢爲得苟免
於譴謫亦公功德之所遺也萬厯三年春永嘉耆民蔡
篋等請建公祠有司以此爲義舉也相與共成之百姓
兆民或輸之財或助之力不數月祠成時祭有守守祠
有人入公之祠者必致敬焉吾每歎居官者得無短長
之效去後能使民忘之而不怨已足爲善吏卽有祠或
立於將去之時以爲諛豈有違任十餘年之後相去數
千里之外而民返爲之祠樂趨其役此非其德大而感
深也孰能然者余嘗侍公於西臺又侍公於轉寺侍公
於都御史見公之談吐措注皆可師法嘗竊取公之緒
餘以游於秦晉雲貴之間繆思有所樹立然所爲法僅
效一時足矣固不能保其法於去後也及謝事歸每聞
父老頌公功德不衰有司守公法無敢變於是益信公
爲不可及士民請紀公德政於碑公德政不可勝紀紀
其利民數事云今公高尚家食當事者交章薦公公未

起也公起則霖雨天下爰敬書以俟之

文公祠

在縣學內祀明知縣文林今圯

舊志天台夏錢文公新祠記

文見金石

文劉二公祠

在大街東禮賢坊

俗名羅漢巷

祀明知縣文林

劉遜今廢

舊志案今四面營財神廟內有碑二座一為劉公像贊文

俱詳金石攷劉令先有永嘉縣令祠堂第一碑之刻黃巖謝鐸撰文今已無存惟第二碑猶在然以上二碑均立於縣署中所載畫像碑為劉令去後所立亦必在署中不知何時移至此間豈劉公別有專祠在此并碑而移之耶竊嘗攷舊志所列報功祠宇今大半蕪歿或改為俗所崇奉之廟如財神者而敬祠之蓋不知凡幾也

可以覘時尚矣

林李二公祠

在縣學西祀明知縣林廷獻李丕顯今廢

舊志

何公祠

在城隍廟東祀明知府何文淵今廢

舊志

衛公祠

在府治西祀明知府衛承芳有碑刻像今廢

舊志

王光蘊贊曰藹乎春陽也其子民之惠暉乎冰霜也其操行之貞毅而必前也強禦有不畏退而靡盈也寒素如不勝寬而栗然廉而煦然明而嗒然弛張文武公以道而用其全若夫離脫於聲華塵視夫榮利其度冲然其養廓然令儀令德卓與古人而相後先噫公其憲天朝風百世樹不朽於元富者也非徒繫一方斗山之瞻

三賢祠

在江心孤嶼祀明知府項澄鄧淮徐滋今廢

舊志

陸公祠

在江心孤嶼祀明知府常熟陸潤配以曾孫平

陽知縣崇禮按察使司前永嘉知縣陸問禮

舊志

明

明重建郡守古松陸公祠記余讀循吏傳而有感於朱仲卿召翁卿云甚矣桐鄉之民之於仲卿也沒而為之

起冢建祠卽仲卿亦自謂桐鄉之民必將奉嘗我夫何
自信而信其民之至也至翁卿之守南陽民既私爲置
祠矣而詔書復秩祀典食遺報以世世奉祀無絕也嗟
夫士剖天子之符以爲守若令福利其民沒而廟食於
其地豈不奕奕輝千載哉王子曰吾郡固多賢明守其
在治正時則無若古松陸公之爲賢余童時長者往往
爲余言而所居里其南爲濟民橋踰嶺而西爲蓮花埭
皆公之遺也公祠於郡城肖像其中余入拜公像讀邑
先進趙先生諫所爲去思碑益悉公公蘇之常熟人由
尋轉守吾郡仁廉明斷一以教化爲本樂清趙某鄭某
皆大姓鄭爲龍舟角里中趙伺襲之觸石溺死者十餘
人鄭佐之狀擬趙抵死公曰舟自觸石耳何爲抵死乎
徒其三人而已瑞安巡檢署守禦倭夜劫其營僉謂失
機當死公曰寇數千巡司卒不滿百抗之是虎而投之
肉耳且無城守而巡檢非將官於法不應死督撫從之
樂清令王君約者負才任氣公爲反覆告戒及令悟遂
以侍御遷去學宮祀公曰治民事神刺史職也捐俸修
之瑞邑飛雲渡樂邑館頭渡舟子需錢無厭渡者往往
填溢公以羨金置船若干而禁舟中無得用帆至今賴

之郡大饑公爲粥待饑者明歲復大疫公手檢方藥爲
合成劑全活者無算公滿九載考屢疏乞致仕歸老幼
泣留相與建祠於譙樓之右其祠歲久且欲圯而比者
旱潦相仍公所爲蓮花埭等功益顯白民益鼓舞追思
將新公祠於江心寺之右矣今令君陸侯適來知永嘉
詢之知爲侯曾王父一郡盡歡謂郡公固嘗惠養吾屬
今令公又修公遺政以福公之遺民乃各督其子弟新
公祠祠成士民共迎公舊所肖像於祠食謂不佞蓋紀
其事不佞嘗論公政以爲廉平不苛敦本而尙實與朱
仲卿召翁卿無以異而民思慕建祠亦畧相似然仲卿
翁卿皆祀於民公祀於民又祀於瞽宗垂百年矣而又
有令尹爲之縣天巧其逢以昌公之遺澤卽朱召二子
未必能有也夫嗇其身而豐其後不滿其身而贏其子
孫公所取於造物與造物之所所以寵綏公者亦足爲循
能之勸矣乃不辭而爲之記郡公諱潤字昌澤成化丙
戌進士侯諱問禮字仲謀萬厯甲辰進士萬厯戊申仲
春託明周應期陸公生祠記余邑越以東小腆士習
民風獨淳樸知頌德邑大夫有能噢咻教誨播翔鸞治
行卽拊舞詠吟去而思歿而祭如畏壘羅池也余領閩
藩傳節日在脂車會海虞衷虛陸師亦於此時執臬憲

莅越邑薦紳諸子衿父老輩聞而喜曰此吾儕舊慈父也則咸踴躍不已尋以時宿愛戴之懷庾圖彰聞釀金慮材卜構於孤嶼中肖像以祠之伐石以銘之且屬應期言誌師從爲令至今日事於都哉其爲此舉也余於師門下士何必援漢祀陽侯故事豔布筆舌獨以師之當年實心實政灼聲海甸者翻緝之以繫邦人之謳思則可邇師五載令吾邑也以懋績擢入爲興司馬卽飄歛十餘載憶攀轅臥轍時邑之民念師不去口更不去心今日城郭人民髣髴猶故師則擅榮問莞隆權卓然居薦服巍班推師子惠之懷亦應思東嘉不能置夫勤政慎罰寬徭緩賦乃師常事不具論如課士有程字氓有惠御胥吏有威酬接士大夫有度禁溺女瘞贅胎殄蠲羣不逞咸有恩有法赤丸白羽不至於郊猛虎蜚鴻不至四境下逮窮簷單赤若挾纊若遊胥臺者謂秋毫不非師賜不可也明德如師尸而祝之社而稷之誰曰不宜茲謁吉鳩工經營祠宇丹碧其甍栴瑯繪其楹檻輝煌截紫隱隱扶疎蒨蔚中蜃浦環流雁堂峙峙吾邦人值歲時樓臘具醴醕薦苾芬爲師綿香火於億萬斯年庶幾羅池之祠子厚畏壘之祝庚桑也噫嘻願民之所以思師羨師手額祝師者斯稍慰矣然余竊爲師喜者

復有說於此他人以官顯名慕及其身止耳卽有累葉以科名接武稱良牧者縱同官亦罕同地余稽宏治間郡伯古松公實師曾王父厥後昆陽合衷抑公乃師伯兄先後撫綏余郡邑湛閩泉湧甌民不忍忘乃卽孤嶼祀二公有年師今遙繼之祖孫伯仲官同地同祠亦同造物若設此江心一片嶼獨與吾師著家聲留縣譜者山靈不益增重哉余知祠成微獨甌民喜也他時騷人貴客布帆而過江干知指顧而美之曰是非陸公一門宦績千載明禋也歟哉則師德之膾炙人口彌遠而彌光矣衆請言余發閩山未逮工之竣也爰走筆以代赤子之謠思云師諱問禮字仲謀號衷虛萬厝甲辰進士直隸蘇州常熟人天啟乙丑季秋記

莊公祠

在縣城隍廟側祀明知縣武進莊廷臣

張德明有記

國朝乾隆間其曾孫柱任温州知府士民德之附祀

於祠道光二十年其七世孫葆誠知永嘉重修

自爲案記

莊公祠本在城隍廟側舊與廟通祠之前界以牆牆外

三楹卽舊永嘉義學 國朝乾隆間重建更名習禮塾

中奉文帝座後有畫像三祀前邑令王公世顯陳公聖

俞碑碣尙存後又祀鄭公廷俊名三賢祠道光二十六

年牆圯合前後爲一知縣莊葆誠移三公栗主於偏舍

以莊公祠額揭於門楣光緒二年知縣潘駿仍設東嘉

義塾於前楹

舊志新纂

明張德明莊公去思碑記夫

又難之難者其令於今日者乎蓋州郡之長猶得案
成牘而坐享其成逸且什伯矧遞而上之者令於民最
親而實意撫字者有苦必呼有抑必愬有欲必往有求
必應若赤子之慕慈母不厭而慈母朝夕爲之拊循嘆
嗟以至勞神疲形一一冀得其所也則難第最爾下邑
坐一方而專制廉明以成之寬仁以撫之則鳴琴可臥
理可若夫地廣民稠道府之坐鎮使節之旁午無不煩
令令賢而能使旁邑之士民且心屬之而大吏時以諸

邑事悉委之則又難且民性日凋民僞漸起卽素稱詩
禮淳樸之地已非其故矣機知之曰開正生理之日耗
雖正額之歲輸不免逋多負而功令督迫每求備於令
令以爲民而又掣於法欲兩全之而無害至盜以民故
病法母以法故病民者則又難之難兼此三難而欲任
之詎獨以才勝也歟哉吾邑侯龍祥莊公吳之武進人
也理學文章之爲天下宗非一日矣萬厯庚戌以名進
士令永嘉其始至望其度謙謙如也聽其言惻惻如也
徐觀其科條規畫井井如也甫數月而庭中之積弊清
又數月而邑中之慈和徧迨三年政成士歌於庠日範
我禮義教我詩書德業不起負此明師民歌於野曰作
息有暇鳴吠不驚我生多樂四境風清歲凶且饑侯悉
心爲之調理民歌之曰饑者獲飽病者獲蘇肉骨而生
君乎牧乎皇皇然慮其內召也隨臺使所至則具陳其
狀以乞留之且頻赴省會過叩之當道無何大計迫而
北上矣老稚頂香攀臥挽之而不可得士民若號若狂
中道而歌之曰樂業安生惟侯之賜父母而往誰爲之
嗣猶冀聖天子或軫念海邦還我舊父母也乃天朝不
以私一方留之儀部士民又於是而歌之曰父母不來
尸而祝之仰瞻遺範實慰我私又曰天惠下邑侯其出

鎮浙藩乎天福四海侯其丞相天子乎夫侯之在治也
曾無赫赫名而士民懇懇思愈久而新若是豈一製錦
烹鮮之才足裕於治蓋愛已之誠所素孚於民故
也學古入官其養盛致然矣夫前之所難皆公之所
易因公之易而益知世之所難也侯之德徧被於國已
樹崇樛勒貞珉於五父之衢矣第先是邑城隍之神宇
傾壞而民多疾癘侯蠲帑金更新之召名醫藉此為藥
局全活者億兆計侯內留踰三載今也騎竹之兒童皆
長愛棠之父老猶存即於神宇之側肖像瞻禮較前所
樹者彌切也謀伐石以垂永遠於是從諸老之請而樂
為之序萬厯戊午孟冬國朝莊葆誠重修先方伯公
崇祀永嘉名宦專祠碑記前明萬厯季年先方伯公由
進士宰永嘉卓異天下第一清廉內陞禮部主事官至
湖廣左布政前後外歷四省咸有政績而在浙之永嘉
及楚中為久故兩地並有生祠今永嘉之崇祀名宦專
祠蓋猶是昔日之生祠也公任永嘉七載興利除弊不
可殫述去官之日士民赴省陳狀乞留不得攀號若失
慈父母遂乃肖像立祠并泐文於石以序其事歲時祈
祝歷久不衰此可知公之感人深矣國朝雍正十三
年高叔祖南村公以京縣擢守温州永嘉為附郭首邑

其時父老尙有能道公之事者南村公守郡三載一以
公之政爲政而祠宇於修葺之外增貳廊焉後陞本省
海防兵備道引疾去官郡人追維公之遺愛久在人
而曾孫使君前守是邦祖武是繩惠周一郡何莫非公
之餘蔭也於是合詞籲請祀公名宦時中丞常公方伯
潘公據情核題禮部奏奉 恩旨准行因以向之生祠
爲公專祠而旁附南村公生位事在乾隆十 年去公
之爲令於邑已一百三十餘年矣葆誠自幼侍宦先兵
備公每述公之品概宦績并示以年譜及王文靖公所
爲傳心竊誌之道光丁亥葆誠援例謁選銓授杭州新
城私喜宦於浙中冀可一日得至永嘉拜謁祠下也既
而丁內艱去任服闋後復來省需次始攝昌化旋補常
山徧與溫雖屬聯郡而相去尙遙官守有局願莫能酌
顧心嚮往之未嘗間於一日也戊戌之冬奉大府 奏
調永嘉受篆後詣祠展謁仰瞻遺像宛然如新想見公
之靈爽實式憑之更摩抄當日去思碑文反覆雜誦益
信此邦人士愛戴之誠有如是其摯者葆誠承先人之
澤荷 朝廷之恩奉職斯土何幸如之惟自念菲材承
乏隕越爲虞敢不蚤夜兢兢與郡邑之士大夫講求治
理勉期無負親民之責於萬一哉茲以祠屋歲久失修

建置

壇廟

臣

爰亟命匠庀材重加整葺工既竟并爲南村公易主別
作一龕位於堂之東楹遇祭則配享焉祠故在本邑城
隍廟側顛末具詳前碑以祠內本與廟通因更捐廉若
千金於廟中卽令僧人兼司啟閉及灑掃之事以冀永
久弗替
云爾

楊公祠

在巽吉山下祀明知府楊邦憲今廢

舊志

明

守楊公生祠碑萬厯丙子秋我郡伯洞岳楊公又當入
覲於時蒸庶雲集咸垂涕擁車轍下旣莫能留則曰天
子矜我民公其當復來越明年公遂讀禮歸衮衣弗復
東人結思於是士民迺相與卽巽山之麓爲堂三楹肖
公而生祠之歲時瞻禮如見公焉日以抒吾思謂某宜
紀諸石惟公殆所謂異人哉秉心而忠孝一酬物而左
右宜莅治而威愛兼曩爲南臺御史埋輪射隼風采凜
然及爲吾郡則弛栗而溫又藹然仁人長者然公冰蘖
自持廉則生威衡鑑中懸公則生明狡僞獻誠人自不
欺非惟不能亦復不忍其始至也蓋未匝月而民化之
迺公望雲之思獨在王母太夫人則遂一日棄其官去
當道以民故遮留居一歲入覲卽又上書陳情民亦又

上書留公於是天子執政共重公敦勉之而太夫人以
公之身在社稷也亦欣然就養焉公出則拊循赤子入
則承歡王母四載之間深仁厚澤滂漉五邑大略以民
生莫先於食也每枯旱輒苦身露禱吁嗟雲漢淫潦則
胼胝排決安集昏墊告饑發廩常不待報歡分來糴未
嘗強民而菜色咸起豐穰游臻矣以均民莫先事役也
迺悉歛版籍選擇耆艾閉之官舍核實弊漏於是丁田
足額民免虛派因爲格目昭示人人而碩鼠害去民歌
畫一矣以足國阜民莫先於積也迺一日勾稽倉糧得
侵米千四百餘石按詰守藏得假印冒支銀動千餘兩
及隱沒軍需硝磺亦數千百劬皆應時輸補盡伏其辜
而倉庫一清公私有恃矣以訟獄者教化所寓也常刻
肌而形于羔之色辨璧而存朱公之厚明弗察於淵魚
仁或觀於市衣諸如此類不可殫陳蓋自公至郡務以
靖民未嘗有一人追胥下鄉鄉民一聞勸粟卽委輸恐
後動數千石義倉儲焉以其誠著金石明燭秋毫故吏
胥則惕惕若懷冰民庶則依依如負襁雖脫巾之士咸
服廉威蓋軍餉故有出入公一以原封士飽實惠惟所
指麾於是波恬海上草茂園扉禮樂可興鼙鼓斯鳴泮
宮旣葺下至陰陽醫學里閭綽楔莫不煥然一新而民

不知勞官不知費焉惟茲巽吉山塔者故所建爲巖宮
文筆者也諸生以爲言而難其費公從容指授取諸荒
穀之贏擇廉吏得徐丞浩俾督耆士朝夕於山遂以旬
歲之間而復百年之緒於是文昌祠焉公亦次焉豈偶
然哉夫庚桑社稷甘棠勿剪在吾郡者非一矣乃民獨
指慕東園何公於今則前柱史龐公與公三祠已爾而
公之在治亦甚慕何公特樹坊以表之所謂有而似之
者也蓋何公位至冢宰獨親吾郡嘗稱曰我溫民及躋
上壽嘗曰吾他日神有所之吾之溫矣以此推之公將
無位其位而心其心乎哉石殆不足爲其永矣或曰祠
公並龐公何也曰龐公首立均平法蘇吾民而公則善
守其法亦猶蕭規而曹隨者也曰祠之有田何也曰爲
祠者子來則有餘資以之置田將以葺祠而永之也嗟
乎亦可以觀民心也已公名邦憲字某楚之巴陵人

顧公祠 舊在江心寺側今廢 孤嶼志 國朝陳聖治明

王厲世磨俗機權寄諸輜軒之使匹夫言行稟於義者
莫不採錄以教天下後世況大人君子貞志偉節攸係
世道人心者可曠焉而已乎東園爲王梅溪先生故里
其書屋舊址在孤嶼江心寺之右遊覽者必造焉今年

仲春望日偕吾友元亮殷子爲激復之遊步謁宋丞相
文文山先生祠見其詩題在古碣間因憶玉磐學士君
義臣忠兩得之之句爲之三嘆尋至一室斷垣殘砌殷
子整襟肅拜泣焉涕流謂余曰此我故人鄉先生瑞屏
顧公授命之所也余亦悚然者久之先生文章在天地
事功在史冊其援命所由實未之詳殷子曰先生於乙
酉夏來浙東繼往閩旋而至歐息駕此寺時有悍將賀
君堯頓師郡城縱兵爲暴先生每抑制之甚且戕殺青
衿先生遂據法効治賀知不免夜遣人排牆殺之投屍
江中江潮如駛逆流不去得收含殮後賀叛竄入海
帥執而戮之以正厥辟先生靈亦赫已哉昔文山當北
行二子環生佛生先故先生又甚焉其尊大人荀洲公
諱天敘者不食七日死叔祖漢石公令錢塘以官死司
李端木公與其子天達天達爭就義駢死一門忠孝濟
濟六人此文氏之所無也氣數已定先生一死以盡其
心免後來黃冠衣帶一番周折安知非天所以善全先
生也歟余幼讀先生之文慕先生之德今承乏先生授
命之地而不爲表章無以備異日史官之採錄有負
國家磨厲世俗大義其何忍乎商卽此地立祠祀之與
梅溪文山兩先生並光俎豆是爲記先生諱錫疇萬厯

己未進士繇庶常至禮部尙書兼官不載
吳之鹿城人殷子諱理同郡虞陽人新纂

朱公祠

在江心孤嶼祀行人司副朱亥

孤嶼志

春秋碑記天下有

憫萬姓之顛危憑事權而衽席斯民者君相也有悲羣
生之困阨借道術而拯救當世者仙佛也乃有扶顛危
而不憑事權蘇困阨而不借道術此離予以生全怨曠
究歸聚樂使萬姓捐頂踵而莫由報者其惟我友朱公
其人乎公諱亥字修齡義烏人也婺州望族代有偉人
公具青雲玉樹之姿負胞與病瘵之志弱冠探永嘉山
水因與邑人李穎少梅贊臣諸君暨兵備使開來萬公
諸當事訂莫逆交日往來於松臺孤嶼間擊鉢賡吟觴
詠竟日蓋蘭亭梓澤之游昔人已不得耑美矣越數年
閩海煽氛浙東罹禍失陷諸邑爲寇脅者皆割辦以從
當事欲盡其類而嶺之公力爲辨救蚩氓得生維時若
諸賢松陽緒雲青田黃巖仙居六邑被禍尤劇獲子女
動計億萬公日擊心傷日嗟乎夫孰非吾同類也與爰
偕侍御姚公裴臣諸子協力釀金大拯焚溺更其牘白
之當事若制府李公撫軍陳公幸有同心因釋割辦之
罪出俘虜之民公更勸獎善士魯民懷王玉成等或冒

險以扶危或飛犇以代暴百計求全不辭勞瘁至於各境難民旅羈日久饑者食之寒者衣之歸者助之以資死者予之以殯全活者千萬人行至數年久而靡倦凡請救於我公者抑猶求水火之易所謂不必君相而能扶顛危不資仙佛而能蘇困阨人歌詠而頌禱之弗諛也嘗稽祀典爲民禦大災則祀之爲民捍大患則祀之匪是族也不在祀典國人以孤嶼爲公舊游之地襄陽康樂吟咏頗多文相卓公瞻依不遠今爲公立祠鐫碑其間春秋俎豆並祀昔賢名山勝蹟得公之功德而益不朽矣銘曰我我朱公物望攸崇神游方外慮周域中秋陽春雨霽月光風閩疆構變浙壤興戎繫俘子女斷藿飄蓬愛傷舐犢情慘哀鴻公曰哀哉實恫予衷爰發宏願拯此禍兇仁聞當路誠鑒蒼穹俾無怨曠憫彼孤窮萬家尸祝無忘厥功中川浩浩沛澤攸同左鄰文相右傍謝公明禋不朽古哲追蹤

芮公祠

在江心寺祀巡道芮復傳

舊志

邱公祠

在縣學明倫堂側祀永嘉縣邱肇熊今廢

舊志

王公祠 在赤帝廟左側祀知府王國泰舊志

王景山祠 舊在華蓋山巔東山書院內國朝移建書院於積穀山麓

祠亦遷焉
舊志新纂

先賢祠 在府學內明王綽有記後改爲鄉賢祠見金石志

四賢祠 在鹿城書院內明宏治間知府鄧淮建祀程明

道伊川朱晦菴張南軒四先生旁祀先儒從二程者十

一人從朱子者十一人從南軒者一人康熙府志按

問答程門十三人周行己許景衡劉安節安上戴述沈躬行鮑若雨潘旻謝佃陳經正陳經邦及弟經德經郭朱門十六人陳璵葉味道周端朝林武戴蒙錢木之徐寓徐容沈憫蔣叔蒙包定及姪顯道敏道祥道林湜蔡皋從張子者周去非共三十人而顯道等三人國朝乾非永人吳寬記載二十三人亦不詳從祀姓名

隆丙子督學雷鉉倡捐重建

鹿城書院碑記東甌鹿城書院有四賢祠祀二程子

朱子及南軒張子也以東甌賢士多從四賢游者不忘其淵源用興起後學故列從游諸君子配享之位已多
歷年所兵燹後僅存數椽且近朽蠹余祇謁惻然與太
守俞君永嘉令崔君商所以復之既而教授王君執玉
進日邑明經吳國清願膺是役而明經林翔鵬梁春賢
裔戴翔鶴咸量力以攸之及期年木石甃瓦塗墍丹牖
重造一新規制加擴前為祠後為講堂統名鹿城書院
如舊稱於是歎先賢遺蹟易以振興不憂來者之無人
也夫四賢之道炳如日星惟患汨於嗜欲徇俗苟安如
適越而北較邇行而求及前人耳今日者瞻望門牆步
趨塔城有不愧然慕奮然興者乎且夫木石甃瓦塗墍
丹雘尚有貧而莫能與者若有志之士就此慨然奮然
之一念決之以必往持之以不急知悖此即為自暴舍
此即為自棄讀書以擴其識見飭行無慚其衾影有不
克為繼起之後人者乎且相觀而善切磋鼓舞勿哂為
迂勿畏為難安在繼起之人不如當日從游之盛乎况
既躬親拮据以有成者又素皆克敦行誼之士豈不教
其子弟而徒為觀美之具乎是則使者與守令師儒諄

詩屬望之意也乾隆乙亥閩汀雷鉉記舊志同治五年署知府戴槃興復易

鹿城書院額曰四賢祠增祀鄉先儒宋趙霄葉任道曹

子周側沈莊仲及明林補案蔡譽錄疑卽蔡譽錄薛洪黃顯

疑卽沈側林補於康熙中題准予奉祀生因附焉刊

有科第事實錄戴槃重修四賢祠記溫郡四賢祠舊

在鹿城書院中祀程明道伊川朱晦菴張南軒四先生

以鄉賢周行已許景衡等三十三人配皆從游四先生

之門親見伊洛淵源者也當是時嚴黨禁斥僞學者蠶

起而此邦先哲篤信好學不遠數千里師事四先生卒

爲名儒俎豆千秋可謂盛矣祠初於前明郡守鄧君重

建者爲郡守衛君後經兵燹僅存數椽國朝乾隆二

十年督學雷公復建而加擴焉未幾爲營兵蔣姓所佔

目蔣叔蒙後裔侵蝕祀田今且祠圯廢木主朽蠹都

人士至不能舉其姓氏何以使後學者聞風而興起歟

余於同治丁卯攝郡篆深懼無以紹前人勅建之意乃

籌款興修新栗主定春秋致祭押令蔣姓遷移祀田已

賣者捐廉贖之祠內留存者按畝而清理之所收租息

爲修祠宇祭祀之用並刊附祀諸賢實行錄以備省覽

易鹿城書院舊額為四賢祠紀實也夫諸君子宗仰四賢如泰山喬木流風餘韻六百餘年矣即斯祠之建旋廢旋復出之榛莽荒穢之中者亦屢矣今又煥然一新世道人心絕續之所繫豈偶然哉抑余之為是舉也將使郡之士瞻仰遺型進求夫諸賢之講學論道與夫事業文章更世千百而不朽者其故安在度非膠庠其姓氏即可詡詡然曰吾四賢之徒也韓子曰莫為之前雖美弗彰莫為之後雖盛弗傳永嘉之學豈必遂無傳人哉此固守斯土者之所厚望也是為記新纂

許忠簡祠

在城西純和坊祀宋右丞瑞安許景衡

碑見金石

王右軍祠

在府學內

舊在府學前教授金衍宗建光緒二年教授戴咸弼移建

端木祠

在瑞安門外白馬廟側百餘步祀端木子貢今

為財神廟

新纂

陳潛室祠

在廣化廂祀宋陳埴

國朝乾隆二十三年

紳士林際遇林朝慶陳光筠重修

嘉靖通志宋陳埴與兄增弟止善先後舉

進士郡舊立森桂祠成化十六年知縣劉遜以埴從學朱子所著述多道德之蘊不以科第為榮改今額有碑

葉文定祠

在金鑿石巷祀宋學士葉適久祀

國朝康

熙九年知縣陳聖俞重建

舊志

光緒八年葉慶昶等重建

黃文簡祠

在幙頭河祀明大學士黃淮

舊志故宅改為祠有奎文御札

二亭今廢惟奎文亭碑記尙存文詳金石新纂

葉太史祠

在華蓋橋祀明翰林修撰葉式今廢

舊志

章恭毅祠

在簡訟坊祀明尙書樂清章綸

舊志

張文忠祠

在寶綸樓後祀明大學士張孚敬

舊志

忠烈儷美祠

在府城隍廟西祀明南康守吳寶秀及其

夫人陳氏

府志蘇茂相題吳太守忠烈儷美祠詩誅君柴市日棘寺正持平為郡熊車去憂民虎尾

嬰臣心匡獄屹婦志蠡湖明祠廟如賓處堦前蘭芷生

馮魯公祠

在夾嶼祀宋魯國公馮守信

舊志公名守信滑州白馬縣人

宋真宗時捍邊及治河有功累進太師中書令追封魯國公其孫成為岳飛裨將扈駕至溫遂居夾嶼因祠焉

忠孝祠

在冰壺坊祀元忠節金德及明孝子金旻華

舊志

僅存祠名不知祀者何人及建祠始末今據慎江文徵補錄侯一麟重建忠孝祠記忠節祠創自宏治戊午代巡鄧公璋郡伯鄧公淮采訪金德洪忠義下教永嘉令汪侯循祠而記焉者也孝子亭則正德己巳守巡鍾公渤王公金廉金旻華之孝屬令黃侯銘亭之翰苑王公璜為記至嘉靖戊子郡伯丁公璜又修之記之者也按誌金德洪諱德德洪其字也別號九峰永嘉冰壺里人少通周易長入太學諳八門兵法植性堅毅遇事敢為當元至正末嘗游湖海間有姪婿季完澤授平江路管軍鎮撫時叛賊猖獗完澤力不支德至遂表之同禦賊

賊愈衆兩人度不免遂奮身陷陣賊縛於樹脇以白刃
完澤呼曰金舅男子漢不可聽賊德應曰此言最是因
大罵賊賊怒刺二人腹而投之洪武三年賜諡正烈祀
鄉賢祠旻華者德洪之孫也諱應結屋孝廉左間亦善
易以卜爲業幼失怙事母至孝年十三而母構劇疾
醫禱弗效旻華號泣籲天請以身代念有割股愈疾者
卽割左股膳以進母母疾尋愈壽至八旬母守節亦善
教有括人太守金公文爲之賦暨名公詩歌藉藉者也
歲久祠圯亭壞有司興慨其裔曰金瑜者又旻華之孫
也爲人敦樸有材藝居貧處約絕不阿附時有同姓顯
者以幣援瑜瑜謝曰素地單寒譜牒弗類不敢苟從至
訟於郡逮瑜瑜對甚毅郡竟直瑜於是郡人咸建瑜
獨行曰眞德洪旻華孫哉屋廬湫隘顧竭力於萬厯丙
子重構祠宇丹漆一新題曰忠孝祠壬午又請郡重建
正烈坊茲來請記余三閱之三歎之曰夫人道孰大忠
孝孰美廉節者哉祖爲忠臣孫爲孝子夏爲節婦瑜亦
善士孝忠廉萃於一門可不謂大且美哉彼豈以富貴
易其志患難二其心故爲臣則不得不致其身爲子則
不容不竭其力婦寡而甘堇茶之味家貧而足藜藿之
餐行出於性不識不知若蜂之義烏之孝也信著其體

無聞無已若金之剛石之堅也此蓋毫髮有所爲而爲
哉後君子汲汲焉祠之亭之詩歌之贊記之者咸是心
也余謹載筆書之庶忠孝之烈久而彌著崇勸之典
續而愈傳可爲風教之一助云爾是爲記新纂

叢祠

孚德廟

在蛟翔巷平水王廟西偏

舊志神張氏諱鉉字子元忠簡公五世孫

端平右科進士官閣門舍人上書忤史嵩之被斥歸值
端午太守吳泳讌客思遠樓神酒酣躍上平水祠舟擊
楫楚歌慷慨悲壯舟騰水面如飛未幾卒自言當爲平
水佐神吳守立祠祀之禱應如響封爲惠侯元封正肅
英烈王賜廟號孚德又助神黃德正悌華里人年十九
無疾而卒越三日有女童降曰我黃某也今爲張侯助
神可望像唐帽襪袍束帶二童捧書劍侍立或曰諸助
神皆方巾花袍玄服恐弗稱答曰但依吾言歲一紀後
凡仕者皆爲此服矣至洪
武戊申冬始悟其言之驗

三港惠民王廟

在北市街宋宣和閒尙書郎鄭邦彥捨

宅建

舊志

按神陳姓失其名世居瑞邑之洪口宅傍有大竹母令取竹陳兩指握之皆破今有破竹林

及長行舟

於海歲除向在南閩同舟皆思家陳令但各

閉目來日

可到衆惟聞夏林木有聲達且已抵其家矣

既沒鄉人

商海值暴風舟幾覆及濟還祠於三港寇方

獻犯境神

顯異寇不敢入邑令王濟上其事封護國惠

民侯進福

善王元至正間加莊濟

元壇廟

在譙樓西

神趙元帥舊志

呂祖廟

在應道觀內

新纂

顯通廟

在新河街

舊五聖祖廟在西山本雲居院護伽藍神寓麻府志

興肇龍王廟

在廣惠院

舊志

廣惠廟

在麻行街

舊志

贊善王廟

在瑞安門內

舊志

宣靈廣平王廟

在開元寺左

舊志按神姓周名洪杭州新城縣人宋咸淳二年郡

守王亞夫建明萬曆三十二年見夢於通判沈宗舜因重建事詳沈碑記中按通志神名雄字仲偉生於宋季銳志恢復抑鬱以沒此載名洪未知孰是

胡公廟

在開元寺右祀宋郡守胡公則公永康人宋史

有傳一在松臺山一在永場青山一在鎮海門外

朝李國

鑾宣東甌鎮海門外胡公廟碑記嘉慶癸亥春正月余教習同年上虞胡子如瀛以太守徐公之招來校試事既至郡艤舟江心寺南岸從容步城阜有祠翼然額曰胡公廟詢之士人能言其詳且欲丐余為之記而未有因也因代為請余曰固然其敢辭按公婺州永康人考邑志公諱則字子正五代之末勛學於方巖蘭若登宋端拱二年進士婺州成進士自公始嘗召對稱旨太宗命記姓名中書會遣使省冗役檄公行河北道所省凡十餘事民用休息知潯州時有虎患公齋戒禱城隍翌日得死虎廟中丁母憂廬墓終喪以本官知永嘉郡旋

除禮部郎中兩浙轉運使轉廣南西路按宜州大辟十
九人平反者九人徙福州有官田百頃久佃爲民業計
臣上言請鬻其估二十萬貫民苦之章三上得減直
之半遷諫議大夫知永嘉軍累遷兵部侍郎致仕卒公
嘗奏免衢婺二州身丁錢民懷其德戶立像以祀在方
巖者賜額曰赫靈其後陰助王師殄巨寇累著靈異宣
和紹興高祐寶祐中屢勅加賜爵號更祠號曰顯應志
傳大畧如此或曰公爲婺人有恩德於衢婺二州二州
人尸祝之宜矣而今之廟祀乃追東甌也曷故余曰公
之精誠無所不在且嘗兩守永嘉其功德之在人間者
大小詎可以遽數其奏免身丁錢特二州之顯著者耳
天下當五代之際生民塗炭公應運而輔翼爲上爲德
爲下爲民出入王家夷險一節生則致其忠死更効其
靈終宋之世神蹟懋著則公之廟食所在宜有豈特永
嘉哉而永嘉之士若民又烏能已於致享也余故嘉郡
人之能報本因胡子之請不辭爲之記至於建廟之始
末別有紀載無贅焉按宋史胡則傳則自睦州徙溫
州未嘗兩守永嘉碑文知永嘉軍乃永興軍之訛新纂

英顯廟

在廣北坊

舊志

神姓蕭
名孔仲又名仲

保安侯廟

在平定倉前

舊志

五靈廟

在海壇山麓明萬厯二十四年建

舊志

同安林應翔

碑記歐數十年來苦疫每春夏之間盛行氣能傳染一
有患者雖骨肉至親相戒毋視也輒為糶具而遣之冷
廟棲柩累累相望甚至非疫而疫棄之至使通衢夜驚
里閭畏途余莅邑之明年聞而嗟傷曰業已奉命子民
矣今歲疫頻仍顛連無告傷彝教日甚謂司牧何亟召
父老詢故實或以施藥請立命折肱家開局治覘施諸
貧病或以祈禳請立命巫祝齋壇桃符懸鼓籩逐江潰
或以斥穢請立命有喪之家敦本從古毋得淹停不具
者以告迺諭邑中巨姓各捨葬地荒塋肅清已而問父
老疫庸瘡乎僉曰未也尚何故凡染是症者如有鬼物
焉以憑之若伯有之為厲也豈伊異地歲以為孽意者
鬼欲荐食茲土乎余應之曰父老獨不聞與瘟有五
五行之沴氣也天有五行於人為五倫體為五臟心為
五情味為五辛各有屬也養之以福神亦佑之養之以
禍先自崇也魁迺據之故降福有神殃亦有鬼賞善罰
淫彰天道也趨吉避凶明人理也昔重黎修政隔絕幽

永嘉縣志

卷之四

建置

壇廟

吳

明禹圖魍魎民知神姦夫皆使知而避之毋達苗害今
甌庫溼之土也愚民又多貪饕五味窮五臟鑿五情薄
五倫褻五行以自內殤宮迺日微冀吉神謀逐殄殃禍
淫之鬼於是鬼益憑怒而瞰其室中於膏肓之上下湯
火鍼石不能攻矣余將倣鄭僑之意貌睢陽之像俾鬼
有所依民知避忌於義何若父老稽首曰甚善於是捐
俸薪佐以贖錢卜地於海壇山麓天寧寺側鳩工庀材
里民之向義者各無愛於財力閱月而廟成既爲文而
祝之復扞塗若干畝以備二祀而余適入覲春復來甌
父老數十輩迎於舟次余省今歲民閒疾苦若何曰
民安堵矣數十載妖氛若掃蕩矣余笑謂父老曰東甌
王信鬼而壽最長嗟乎余今誠徵福於爾甌王而民長
壽也雖詆余以淫祀庸何傷萬厯二十六年仲秋
賜進士第文林郎知永嘉縣事同安林應翔撰

九聖廟

在松臺山麓

舊志

顯祐廟

在甘泉坊大資橋

神戴氏萬厯志

永嘉王廟

在永寧橋東

又稱永寧廟內有顏氏雙忠祠舊志

靈應七聖廟

在七聖巷

神薛氏宋咸淳間賜額封孚惠侯舊志

容成廟

在華蓋山

神為陳留二府君舊志

瑞穎廟

在信和街瑞穎坊

舊志

廣祐萬靈廟

在平定倉一在屯前

舊志

興仁廟

在油車巷

神陳氏三港廟神之姪舊志

存濟祠

在華蓋山雙忠祠後

署知府戴榮記署祠名存濟何存無祀及有子孫而

不能奉祀之主於祠中志厚也蓋以無祀則主無所歸

子孫不能奉祀至無片瓦尺椽之庇主亦無所歸勢必

委棄榛莽甚或供薪爨之用慘矣哉傳曰鬼猶求食食

既不可得矣至不能保其數寸之主於身後將謂其人

已死其鬼不靈耶固仁人君子所宜心惻也新纂

靈順行祠

在開元寺宋咸淳六年王守亞夫建

舊志

靈佑廟 在城南後祠於城之歸仁坊祀唐薛公芳杜補

闕令之之姪歿而為神有功德於民加封孚惠王永樂庚辰

王時中記新纂

廣惠行祠 在開元寺東神姓張名激一作張舊志

順濟行祠 在龍王塔前順濟坊舊志

晏公行祠 在北市街西在通道橋舊志

顯應廟 在城南廂神張氏宋宣和間禦方臘陣亡祀之案疑即張忠惠侯

茶場廟 一在府學巷一在百里坊橋下左偏萬曆府志按茶場

廟在府學巷民家輪祀瓦市譙樓百里坊石埠寶珠坊各有廟

孚惠廟 在瓦市殿巷一在仙居鄉四十七都楓林神陳氏名

盈枓溪茗與人宋真宗時遭鼎之
役以陰兵護駕封孚惠侯舊志

已上在城內

義民祠 在十七都陰輿祀上鄉殉難男婦同治四年由

城董潘鏡塢勸令董學山等倡捐及各都助建祠前建

節烈坊復置產以供歲祭新墓

惠應廟 一在德政鄉水心一在城南花柳塘神葉氏從神楊氏

保德明王廟 在瑞安門外神蕭氏名耀

英濟廟 在瑞安門外俗稱白馬廟相傳梁昭明太子乘白馬來此賑饑民德之廟祀於此

廣濟廟 在迎恩門外廣化廂

魚棚廟 在拱辰門外江滸

永嘉縣志 卷之四 建置 壇廟

忠烈將軍廟

在三都沙村

神鄭氏諱生字公全沙村里人生於宋乾道乙酉正月十

五日好俠使氣能出神示幻常語人曰吾當由兵解血食人世後附海舟遇盜門死其家忽覩神騎從歸倏復不見嗣後數顯靈異寶祐五年永嘉守立廟於其鄉元大德間勅封忠烈將軍舊志

海壇平水王廟

在拱辰門外海壇嶺側

舊志

廣慶侯廟

在集雲廂護國嶺

神袁氏萬厯志

靈護廟

在鷹符鄉五都

護境王廟

在瑞安門外黃土山麓

庫官廟

在德政鄉吳田

神潘氏錢塘人爲軍資庫官歿於兵立祠視之

靈濟廟

在吹臺鄉十五都劉公橋

嘉祐廟

在建牙鄉下壁村

神俞氏

名山王廟 在建牙鄉白塔

盧府君廟 在仙桂鄉三十二都

孝祐廟 在上塘祀孝女盧氏事詳列女傳

山皇土地廟 在巽吉山下神趙氏名稷字稼村郡邑廂鄉俱有之

土穀神廟 在瑞安門外

王僕射祠 在建牙鄉郭溪名字無攷

陸塘廟 在廣化廂

器竈廟 在德政鄉仙洋神王氏俱見舊志

已上俱城外

永嘉縣志卷之四